


龍
眠
風
雅

卷五之八



龍眠風雅卷五目錄

木厓潘 江蜀藻輯

江寧紀映鍾伯紫 叅

同里姚文敷集侯

趙 欽 首 一百二十八

跋 卷一百二十八

同里淑文樓集刻

平寧縣知縣

木且齋 江蜀藻輯

龍眠風雅卷五

木厓潘 江蜀藻輯

趙

鈇

字鼎卿號柱野嘉靖庚子鄉試第一甲辰登進士當居給諫時巡京營力阻咸寧侯仇鸞

占役諸弊尋轉吏掌垣升南太僕在滁陽聚生徒講學命以都御史巡撫貴州值土舍韓旬叛督

兵勦平之有娟其功者調用南京遂告歸築室龍眠學者多來歸之著有古今原始鸚鵡林子九變古

事等書無聞堂稿其詩清逸俊爽譚理而無理障尤為當時所難予嘗過其曾孫襄國助國家見公

手記省吾錄存省之學已見一班又與羅汝芳王慎中在還諸書墨蹟猶新理學經濟文章三者公

始兼之矣

君馬黃

君馬黃臣馬蒼臣馬齒短君馬長臣馬晝夜芻一束君馬有芻兼有菽追思入貢幾何年至今尺籍猶存錄廐

音耶 屈雅卷五
軍守牧子更孫此馬芻菽當盈谷豈是龍駒種自殊應
戀君家多首藉

君馬黃臣馬赤二馬同逐臣馬劣朝出關以南暮出薊
以北蹄穿塞上霜毛磔隴頭雪安得君王十二閑黃金
爲絡玉爲鞭爲君奪取燕然山何如沙苑上長嘶風雨
間

楊白花

楊白花隨風颺曾見臨渭水斜出漢宮墻春風何事遙
相逐舊日帝鄉今蠻鄉楊花撲面亦笑我前日夕郎今
夜郎

行路難

我欲登山虎豹當關我欲涉川鯨鱷在淵我行負弩委
以危弦我事躬稼授以石田謂水有車謂陸有船吁嗟
嗟行路難如登天

空侯引

公無渡河公若渡河奈公何湯湯河水有時怒止公心
風波晝夜不已晝夜不已可奈何敗楫摧檣哀聲多
公無渡河公若渡河奈水何河水雖深人見其裏白石
磷磷遊魚比比公心淵深誰知其津中有毒蛇含沙中
人毒沙揚揚聖達徬徨不如河廣猶可舟航

哀竹操

哀竹操思父也父號一竹云

風邪竹邪竹邪風邪隱隱若有聲者風邪
竹邪翁邪翁邪竹邪影亭亭而過者月邪
月邪翁邪翁邪月邪葉撼撼如有折者雀邪

持節出京夜宿良鄉

旦發神京暮宿下里手抱金書薄言徙倚車騎翩翩旌
旗瀾瀾陟彼高岡瞻望汝水
洋洋汝水言念帝子百世支藩德行豐芭帝命孔
嘉永培遐祉睠此王國何時戾止

戾止何遲周道逶迤爰歷齊郊至于魯圻歲云暮矣風
雨淒淒王事未畢莫遂我私
悠悠我私白雲南飛親盧何王楊柳依依豈無甘旨

帝命莫違雖有兄弟不如我歸

我歸云何樂事孔多壽酒既旨春日微和簪裾四集載
笑載歌父母顧我綵服婆娑

綵服追隨兄弟孔怡如墳如篋既醉且嬉攜手田里桑
麻兩岐媿茲祿食使我孤危

夜坐高唐偶尹竹嶠齊泰衢吳少竹北上會於館

中得家報有感

日暮苦行役道路阻且長停驂問行人何處是高唐春
風開古渡暝色赴長楊衆山寒歷亂平野杳蒼茫入館
悄四壁雙燈照屋梁門有車馬客薄言來故鄉下階見
顏色長揖問高堂高堂念遊子相思語傍徨晤言坐深

更明月入我牀旦起各路衢百里遙相望
鄭家驛道中

礙日苦高峰迴磴人行少日午半山陰林薄時聞鳥溪
谷虎縱橫絕壁雲縹緲爲問前驅人昏黑路逾小少選
月東升豁然寬懷抱礪泉答鼓聲馬蹄春虛島不緣溪
夜行安知月明好

出門託鶴

不能載汝去不能放汝歸寄食依隣叟勿謂主人非網
羅隨處密翮長莫高飛

募兵行

村鼓晝夜驚官家催募兵中國本無寇寇從東海生十
人困一村百人困一城官軍不能戰購士遠從征民間
久宴樂不識旗與旌肥丁不能去瘦丁不肯行百金得
一士但充尺籍名去者魄已落送者各吞聲聲斷復聲
起哀與怨相并天地生大海東南爲之傾波濤如山嶽
魚龍長縱橫倭舟何自來無乃海波平海波如可平天
地亦無情世運苟如此陸地走長鯨一身不足惜尚慮
弟與兄兄弟有時盡何時息戰爭

採桑行

朝採桑桑葉不盈剝暮採桑桑條刺人目桑桑知蠶饑
生葉能及時只顧蠶得飽不怨傷葉兼傷枝蠶眠欲作
主人衣猶恨桑桑生葉稀蠶老桑枯兩無利官家催輸

走羣吏但願輸完主不辱桑枯蠶老死亦足

紀遊行有序

余與侍御毅所蔣子通家兄弟也昔別都下今分牧來滁偶得共事自棠邑渡江遍歷東南諸郡遊覽追隨凡四十餘日極爲懽洽今且還朝將給假省侍趙子戀焉情不能已併見乎詞

玉河兩岸春風早綠柳如絲覆新草當時與君柳下分青驄一躍雲開道今秋督牧來滁中瑯琊谷裏重相逢把酒喜看天外合傷春俱改舊時容幾度豐山同問俗常行西澗覓幽蹤磨碣偏披蒼蘚壁鐫銘直上白雲峰峰頭八月秋風起南望金陵是帝里欲向長干訪六朝

訂期共渡秦淮水六朝遺蹟不可求鍾山氣結龍光浮投寺自烹功德水凭高一賦帝王州攬轡不問葛仙宅七鈕先登望海樓謝公塘上朝迴櫂長蕩湖八夜泊舟沙鳥汀鷗爭避楫畫舸何異越中遊我倏驅車轉平陸君從宛水浮姑孰敬亭風高菊正黃牛渚月出人孤宿乍合乍分幾晨夕他鄉共嘆鴻泥迹野館難留孟博車阜囊馳上江淮策封事奏罷且圖歸八桂林中是彩闈彩闈拜獻南山曲鷹隼何時更北飛

夜至黃州姜侍御邀遊赤壁作赤壁行

赤壁赤壁千丈石磊砢萬狀色皆赤古今惟得坡仙遊至今磯上留奇迹石老既不長鶴去不復來後來好事

前題風雅卷五
者往往架壑開樓臺豸史愛我夜載酒爲問今朝月出
否共嘆豪傑幾凋殘世間何物爲不朽此時積雨月藏
明檻前惟聞江有聲舉燭四照驚山靈虎豹虬龍勢欲
生瞥然罷歌入城去翻笑當年二客無姓名

臨池學書忽渾菴送菊花酒至醉後偶成

故人別我向東走終朝獨坐平原柳庭前遍種黃金花
釀作仙家紫霞酒思我遙寄草堂來入門大笑懽持缶
呼兒便摘籬邊瓜持刀細剪窓前韭不須袒裼叫臯盧
不須南陽尋舊友滿懷磊磊正突兀便可一飲二三斗
須臾明月出雲端照我窓下舊蝌蚪低頭三讀不成章
自恨墮落蒼頡後混元一破不復還石室玉簡今已朽
舉觴空嘆簿書煩吁嗟此意君知否

送姪養健歸

我家世據桐陂水水源遠出龍眠裏春雨桃花兩岍溪
浪高十丈蛟龍起我別水亭今幾年鷗沙鶴渚空雲烟
誰人擊楫看明月一夕滄江萬里船小阮省我來天上
佩劍長吟何豪宕遊徧燕都返故廬落日春波正沆漭
爲指溪底白龍穴夜靜珠明水員折鞭龍早向太液遊
莫使鷓行中斷絕

送錢實夫讀書胄監

去歲與君伯氏別朔風吹落燕山雪今日都門復別君
長空萬里飛春雲君乘春雲渡江水石城紫氣當關起

音耶風雅卷五
鳳凰臺上雨初晴盧龍山下花如綺此時遊士盡人豪
園橋碧水拖方袍王家禮樂輝星日闕下人文追謝曹
丈夫得意遇知己躡屩擔簦相遊遨下帷深究董生業
垂綸還釣任公鰲

洞庭阻風登岳陽樓戲作

昔聞洞庭名今識洞庭面不知天地更何如但覺四隩
茫茫無可見此水此水深如此千古浩浩靡底止可惜
風來怒作濤丈夫胸襟羞與比我聞瀛海有時變化爲
平陸開郡縣安得此地長如練滉漾空使魚龍戰祖龍
何必赭君山只用剗却峩峩巒巒直令鼉穴爲桑田洞仙
聞說亦開顏不須騎鶴背一劍自在還

嵩丘歌送畢郡守

君不見八荒巨鎮稱嵩丘靈標突兀當中州太室少室
互掩映伊水洛水迴奔流三臺時見白雲起月光童子

蒼崖裏

青炎常開四樹花
丹池倒歎九龍水

花下曾聞子晉笙緱山嶺上

雙鸞鳴水邊曾駐漢皇旌少君一見天風生此地從來
可嘯傲東望三川空浩浩羨君高乘大夫車五馬直上
函關道函關老子喜君去手抱道經爲君馭再挽淳風
天上來靈波遍灑河橋樹此時莫惜故人書應念城東
相別處

後募兵行

櫂槍晝吐光寇來何跳梁寇來兵亦來令我負重傷寇

前明風雅卷五
來梳梳我我髮猶長兵來篋篋我蟣蝨俱亡蟣蝨俱亡
可奈何寇來日少兵日多君不見去歲東隣與賊戰我
挺長戈賊揮扇力屈歎者誠已矣生者至今有顏面又
不見西隣今年逢鄉兵炙牲貫酒懽相迎奪取金帛不
敢問猶牽子女遠從行含怨欲訴難具陳軍門重兵不
重民仰天大叫黑雲斷空有天地難藏身

蔣侍御毅所約予督牧江南兼期中秋三茅峰翫

月今阻瓜埠舟中有懷

旅泊緣何暮東江此夜分鳴榔追蔣詡隔水望茅君潮
長月盈浦風高雁失羣不知三洞客嘯入幾重雲

喜方東谷遠訪

輜車何處至鷗鳥又成羣客路多黃葉故鄉空白雲羞
稱東道主笑誦北山文宦况堪誰說相知獨有君

送陳僉憲玉泉之官江西兼憶許石城師

遠出郎官省言乘憲府車清秋度彭蠡明月挂匡廬手
執三章法胸藏五笥書應逢許叔晦作賦擬相如

鷓林山莊

五世相傳地三遷始得家鑿山開戶牖繞舍種桑麻林
外標千堞雲端列九華此中堪寄傲無處不烟霞
偶卜幽棲境真成木石居春來先食蕨客至旋撈魚野
曠朝觀稼身閒夜著書更欣朋好近徒步及吾廬

新得玉蘭塢

聞說龍眠上木蘭已十尋聞香經水曲采秀入雲溪花
發銀千樹月明玉一林摘來簪滿鬢不是二毛侵

途中苦雪

崎嶇行雪徑高下逐谿田客路今如此王程尚渺然夕
陽斜嶺外荒店斷橋前翻羨滄江上風輕一櫂便

宿長安驛道中

纔離豺虎穴慙憩水雲莊山色雨中盡櫓聲溪外長月
明如故里人語是它鄉更喜天微霽前途近岳陽

愛山堂偶成有感

無意尋佳麗居然得衆峰始知人境裏面面有芙蓉山
翠衣前落林香燕外濃倚雲時一嘯鬼國有孤蹤

自辰州泛舟下桃源適阮憲副至共問勝蹟有感
桃源乘浪至却喜是仙鄉兩岼皆秋水千家半夕陽近
村無土著古渡尚花香忽報樓船至忻逢得阮郎

遊九龍池

乘春趨帝寢轉壑向龍池塢曲鶯啼緩松深馬度遲紅
泉流玉液丹砌擁金枝日暮烟雲合嵐光逐望移

卜居五嶺訪高氏兄弟

何處訪幽棲君家在翠微谷溪山似幄堂古樹藏扉水
帶風聲落雲驅鳥陣歸偶來生隱意小築喜相依
五嶺經年望溪春始一行天從青嶂斷人與白雲平解
帶逐樵伴寄巢聽鳥聲從茲來往熟草木亦知名

龍眠

天合羣峰勝山藏百折奇肯教流水去不遣世人知種
玉田常稔燒丹竈已移就中堪著述舊與白雲期

宿白雲僧舍

借榻來山寺安心得古僧一燈寒共語半閣月初升拂
石重留榻烹茶自鑿冰豁然悟名理無念是先登

真州飲平湫分碧亭

水部一何清終朝禮白雲引江成月浦插柳護鷗羣地
掇金焦勝春從淮海分官閒多著作應似沈休文

避暑同羅侍御秦虹洲遊宥氏園

結廬一何靜流水護柴扉莫遣鳴騶入恐驚啼鳥飛氣

交雲樹合語久吏人稀共嘆炎蒸苦迎風賦式微

重任太僕見舊署青梧有感

舊日雙梧樹猶留一院陰因思枝上月常入醉中吟座
客去不定山禽鳴至今營營空白首陳跡幾追尋

山塘早行忽重霧四垂咫尺莫辨恍如瀛海口占

成咏

更殘吹角出郊臺野市三家半未開風送鷄聲穿屋出
水吞石迳背江迴青山愛客當關立白霧欺人擁樹來
一望高深俱草辨何如航海問蓬萊

謁閔子祠

落日孤墳深草木山川猶覺肅儀型單衣笑著蘆花煖

音耶風雅卷五
避地遙懷汝水清天下幾人無異母世間何處可逃名
鳥啼花塲寒雲斷一度迴車一慘情

元旦寓獻縣祝 聖口占

六年留滯客燕關旦逐鵷行侍聖顏乘傳偶持河上節
聽鐘猶憶殿中班九門漏盡珮輿度五色雲高玉几閒
誰說春明門外遠祥光猶見禁城山

瑯琊寺

乘輿山行六七里窈然溪秀是瑯琊迸泉百道常疑雨
芳樹千林不辨花白首何緣來洞壑青山更喜入官衙
酒酣遍歷磨陀嶺東晉樓臺隔暮霞

喜吳山人卜居金陵爲終老之計詩以賀之

無日山人不問仙何人爲辦買山錢清風明月寧須價
朱雀烏衣幸有緣結隱好圖三畝宅逃名莫上五湖船
神州百二誰能賦都在先生杖屨前

環山樓獸坐有感

日抱殘經對水開千峰迴合護層臺竹窓不閉雲常入
花徑無關鶴自來靜業苦多清淨障閒吟幸少吏人催
支頤獨坐成朝夕看盡空階長綠苔

偶將踪跡寄荒城盡日高樓聽鳥聲自笑編摩如案牘
翻嫌雲樹費逢迎黃梁夢裏應難熟白髮閒中却易生
真是漆園堪隱吏不須梨谷更逃名

自鳳陽至臨淮乘舟入泗道中漫賦

天府乘春得徧遊汀雲岫草伴行舟林溪谷口藏山寺
雨細花邊見驛樓平墅幾村湯沐郡長淮千里帝王州
喜看龍起鍾離處正是乾文煥斗牛

督牧至六合聞齊泰衢已先行矣知少選復至賦
此留別時初聞雁八月十三日

獨步空階玉露生古棠葉落暮雲輕風前立問滄江使
月下驚聞白雁聲顧我真成牛馬僕懷人常在鳳凰城
知君計日還停節候吏能言此夜情

環山樓懷盛古泉勳卿

踪跡年來惜解攜白雲天外任東西君真有道沉金馬
我已無能類木鷄別後形容看漸老舊時丘壑望偏迷

生平然諾心猶壯幾度貽書醉懶題

林未軒由刑曹轉兵曹詩以賀之

四方兵甲何紛紛我亦年來悔學文籌國今歸小司馬
抗顏誰揖大將軍新聞韜略傳黃石舊有才名出白雲
牢落天南望天北鯨鯢簸海倍思君

時有倭警

寺臺有感寄友人

高樓春望柳初垂野寺閒情祇自知載酒每尋花發處
懷人常在月明時一官不歎虞翻遠五岳空憐向子遲
幽谷香泉題欲徧天涯何日寄相思

鎮遠與吳霽寰中丞交代時有兼制湖北重夔新
命吳昔年西省舊寮其翁茗溪公曾爲安慶守

有通家之義賦詩而別情見乎詞

黔南何幸接高論廿載風流喜尚存
詔下建牙三省重令行分部百蠻尊
共憐粉署元朋侶况是甘棠舊子
孫惜別有言皆國事肯輕去住負君恩

夜聞箏聲枕上口占

誰把銀箏撥晚寒隨風飛入畫闌干
一窻新月人何處獨院踈燈夜欲殘
遠客不堪愁裏聽秋聲偏向醉中彈
無端喚起雲山夢直渡滄江雁落灘

入京暫居城外有感時外城新成

六載重來謁紫宸暫依郭外駐征輪
入門先問新城禁對客仍稱舊瑣臣
自顧誓心惟有日回思竭力已無親

明朝鵲立聽魚鑰又見宮鴉報早春

入吳寄恒菴伯兄

東下吾何意傳經得上才姑蘓佳麗地行處錦雲堆
海味今甘食方言漸可猜虎丘曾借榻鶴市數銜杯
季子空餘廟館娃只有臺洞庭嘗啖橘玄墓已看梅
山水圖中見絃歌月下回好書收不盡嘉樹遠難栽
獨歎登臨樂偏逢士女來更聞於越勝旦夕問天台

夜半開窻梅影在壁坐玩移時戲成數韻

一春看不足深夜尚移檠影自銀缸
出枝從石壁生高低隨處得踈密任天成
寄贈應難折臨摹惜未精參差光歷亂
騰攬勢縱橫真態翻爲幻枯稍漸入榮
鳥過如

有跡風動寂無聲鐵篴何妨弄瓊臺愈覺清恍疑池面
見何異月中行

賣花曲

吳中作

市女買花枝村女買白苧如何天上春不到貧家去

龍眠山次蘓頴濱韻二十章

李伯時昔作龍眠山莊自爲之圖東坡爲之記
又屬頴濱作小詩二十章以繼輞川山水之作
其自西而東由建德館至垂雲泚著錄者凡十
六處道南四處曰勝金巖寶華巖陳彭深鵲源
今山川具在誰踵芳踪依韻載賡徒思往哲

建德館

兩邑割青山不能割風雨風雨不妬人來者卽爲主

墨禪堂

有墨翻爲幻無墨却是禪君看點墨處只有舊山川

華巖堂

雲來山欲沉雲去山復定讀罷華巖經應識山之性

雲薌閣

風送稻香來偶讀離騷孰說與醞醕人今歲秣應足

發真塢

樵者不知山漁者不知川山川總不識方得返自然

薌茅館

繞庭種青蘿結綺覆茅屋兀坐風雨來山容淨如沐

瓊瑤巖

神女噴靈泉挂石成珠網一見卽依然不作往來想

棲雲室

巖靜雲常宿有時招不來如何無心者亦去逐風雷

秘全菴

名山秘已久來者自依違君看雲埋處千年無是非

延華洞

山作四時春花开復花落洞中別有天不令風雨惡

澄元谷

窈窕谷何深日月自照臨坐看流水去因知不住心

雨花巖

不見有花开但見有花墮觀花了無期時作橐駝坐

冷冷谷

幽泉灑石厓迸珠濺草木不獨廬山中泉聲有琴筑

玉龍峽

白龍去乘雲流沫猶挂壁日月如跳丸晝夜來相射

觀音巖

終日讀心經九竅皆如石虛靈何處來無得亦無失

垂雲泚

但得淥水趣莫問蒼生何君看行李中滿載皆坡陀

勝金巖

晏坐綠莎臺何如金埒地可憐塵中人不識靜中味

寶華巖

物華散天寶中有不凋木食之可延年能令鬢長綠

陳彭滌

山將雲作弁復以水爲紳陳彭輕去此俱作不歸人

鵲源

濯纓水逾清漱石齒逾勁如何今日遊頓忘昔者病

龍門冲九詠

駐馬坡

本是猿猴徑邛堪車馬來白雲欲藏巧曳杖青山開

石門

天生石作垣千古空盤踞好封一丸泥不放流泉去

白龍潭

白龍水底眠猶放雲光入有時化作人獨向峰頭立

丹青峽

四山列翠屏草木自紅紫今朝怪石前著我看雲起

日月巖

日月互出入旦夕巖前度亦在雲霧中不設通天路

雨珠崖

跳波濺赤崖四時如飛雨我立雨點中人說白龍舞

天方池

此地如盆盎載水只數斗我欲醉麻姑爲釀千日酒

古藤洞

古藤生洞口不遣遊人入酌酒坐藤陰飛泉猶相及
玄圭石

一石如玄圭見之每下拜爲問天地終石丈可不壞

助山堂襍咏 十二首

石鼓山

採松作簣桴擊地成土鼓我將曳履聲翻入伊耆譜

木犀澗

澗傍有木犀澗下有流水花香水復清曲曲白雲裏

小龍峰

小龍盤山中大龍橫江上雲氣自往還百里遙相望

舞踏嶺

高者如鳳翔下者如虎踞朝朝几席前欲去不能去

篤山

山頭禮白雲時有鄰翁至我愛洞中牀獨學五龍睡

麒麟山

上山只七里江淮俱在目山北有溫泉山南有玄谷

金紫砦

昔時避秦人山頭立城郭至今有餘情白雲猶作幕

觀音洞

遙望亂石中居然有法相捫蘿行已前魍魎不可狀

玄玄峽

何物玄又玄至玄是此水直欲下滄瀛不顧行萬里

蓮華峰

欲住青蓮宇，真心玩玄化。只是雲霧多，白日在山下。

楮樹灣

中有造紙者

種楮滿山中，不羨藤與竹。欲著書萬言，毛生髮漸禿。

金山寺

問空入山門，山僧不識字。就樹挂袈裟，斷徧白雲地。

宿臨江驛

飄飄何處易，銷魂細雨平。蕪帶水村十里，蘆花飛白雪。
數家茅屋隱黃昏。

桃源道中

迤邐青山束，綠溪家家花。竹自東西于，今車馬朝朝到。

何事漁郎去，復迷

種梅

姑射仙人自愛寒，幾番驛使故相殘。于今移入深山裏，
不是騎驢不去看。

種柳

小塘橫玉傍，雲開蒲柳沿堤手。自栽莫與行人贈，離別
年年枝上領春來。

種槐

綠水塘邊盡種槐，疎陰夾道客常來。南薰一枕情何極，
不學王家有意栽。

種蓮

蓉蕖半畝白雲圍賞徧池亭夜不歸自識簪纓難久戀
乘時先辦芰荷衣

種花

世人種花須名花雕欄十二護香葩我今雜植東風裏
但願花開長在家

種菜

抱甕東臯半種葵汲泉多是夕陽時與來幾度荷鋤立
藜莧腸中易得詩

種竹

擬返長林製籜冠一綸占盡白鷗灘呼兒早種篔簹竹
莫向山僧乞釣竿

月下有感

記得鳳臺賦落霞桂宮香發萬年花飛樓十二層層碧
第一仙人萼綠華

白靈壁至宿皆由隋堤行有感

聞說當年帝子遊兩堤紅粉曳龍舟空留道上垂楊在
猶帶東風舞不休

送曹龍田掌科謫無爲便道歸省

君到家時屬暮春入門先拜白頭人登堂只說君恩
重莫道今朝是逐臣

客至

楊花如雪草如茵玉柱峰前盡是春客至但知催貰酒

張習先喚打魚人

問古泉園中海棠

記得君家二月時滿庭紅樹競芳姿今年花發誰同賞
開到東風第幾枝

鳳山雨雲

鷓鴣林山居賦之四

爲對並翻首

習靜林中自課耕朝朝石上看雲生祇愁雨過山溪漲
流出桃花滿市城

龍峰霽雪

靈巘岩崑幾萬重瑤華削就玉芙蓉曉來日上雲初散
添出峰頭四五松

石澗水簾

白虹千尺半空垂不斷長風盡日吹昨向巖前看月上
水晶宮裏見蛾眉

桐溪春漲

春日桐溪水滿川千家懽笑對川眠自憐朴俗少機事
兩岼垂楊無釣船

月下海棠

靜捲疎簾看海棠嫣然一笑帶斜陽嫦娥有意窻前照
引領花神夜到堂

燈下海棠

醉後移檠看海棠嬌姿如醉半依墻無端驚起花間蝶
飛撲銀缸亂晚粧

雨中海棠

讀罷茶經看海棠
猩猩萬簇錦雲張
何如新向蘭湯浴
洗出胭脂一段香

風中海棠

最愛春風到海棠
低迴嫋娜自飛颺
紅英欲墮還扶起
半在臺前半出墻

龍眠風雅卷六目錄

木厓潘 江蜀藻輯
宜興陳維崧其年
同里許來惠綏人 叅

秦嘉禾 三十七首

戴 完 六首

錢元鼎 四十七首

林有望 二首

胡效才 二首

何思鰲 一首

錢可久 二十九首

謝如山 一首

吳應道 一首

戴 乾 八首

秦嘉禾 一首

蘇 蘇 一首

趙 趙 二十一首

馮 馮 一首

周 周 二首

林 林 一首

秦 秦 四十一首

宗 宗 六首

秦 秦 三十一首

宗 宗 六首

同里符來惠錄人

宜興朝錄其半

木 木 一首

龍眠風雅卷六目錄

龍眠風雅卷六

水厓潘 江蜀藻輯

秦嘉禾

字吾田嘉靖間處士家於大龍山自號大龍山人為詩清越適宕無郊島氣所撰多遺佚

僅存彭澤稿一帙彭澤稿者公姊適彭澤丁我山比歿奔其喪往還江上所作為之序手錄二通一藏于家一貽周甥詩皆可觀工書法里人有索書于文待詔徵明者待詔曰子鄉人吾田先生風蕭蕭回書中仙手今舍之從我是賤家鷄而愛野鶩也其為各流所遜謝如此予從人家卷軸紙幀間得公手錄詩數首合之彭澤稿所載前輩風流略可想見

曉發海口

城角吹冥霧江雲拂曉暎小舟一以駕歲暮問西奔風急寒帆影沙明引浪痕悲來鴻雁字悵望欲銷魂時之彭澤

奔姊 喪

晚泊沙灣

慣識西江路重遊恥故吾林疎疑客鬢瀾倒似狂夫獨
對新生月相思舊酒徒寒篷難著睡何處響鳴鳴

小孤山

砥柱從開闢中流自古今神龍常在窟怪木不成林絕
頂雲流影懸崖鳥過音我題百丈壁仙跡倘相尋

遊黃山谷讀書巖

石林探窈窕巖洞入幽玄不沒苔封字猶存太史鐫筆
精榮鳥籀墨妙注龍涎風竹穿泉竇書聲日夜傳

對雪四首

千山寒氣烈向曉雪冥濛點丸先飛霰窺簷旋舞風六

花天作巧三白歲占豐酒力知無那清尊可耐空

淡淡初經眼漫漫欲接天狂尋東郭履興動剡溪船獨

對詩多悟相忘酒有權此時真意在不薄愛前賢

廣寒何處是照我落瑤華蘭種交枝玉梅開隔歲花呼

童分活火融水泛香茶讀罷梁園賦風流迥可誇

白屋生圭璧山人不受貧光搖銀兔魄飛挽玉龍鱗別

浦供垂釣前村苦負薪那能邀郢客早晚和陽春

西郊春遊

昨日出西郭山城春色闌野花羞見舞市酒漫逢懽願
學孫思邈難如管幼安詩成無寄處爲客掃齊紈

山行贈友人

並馬深山月凌寒滿意霜看君情未厭顧我喜成狂瓦
釜餐麤糲篝燈話短長十年聊此度一宿太匆忙

邀友

病懶常扃戶秋懷莽不開林風吹欲去山月照還來檢
點新詩句留餘舊酒杯前村有王粲命僕掃荒萊

寺夜

雪夜景中景僧房清更清香爐紫古篆茗椀泛秋英了
讀南華法空傳西土名閒來成底事破語是浮生

春日東郊

有客乘餘興尋春載小車風光雖郭外景物似山家桃
李催人醉塵埃送日斜區區存古意未敢妬紛華

過黃栢嶺

雨歇登黃栢空濛雲滿身下逢田舍叟呼我雲中人石
怪伏玄豹松高生赤鱗誤予來小憩隨意問山隣

留別姊夫丁我山

遠隔長江會面稀難禁此別淚霏霏青山人影魚軒去
白露歌聲薤葉晞幸托丈夫憐宿草好教兒女報春暉
平生已向燈前盡莫道人間往事非

癸丑元日記事

去年元日春正來今年元日雲不開萬里晦冥連巨海
九天臨照掩高臺陽精太損垂空象陰蝕常煩應候猜
人事天時難忖度用牲伐鼓直須迴

遇雪

陰靄淒淒凝苦寒直教飛霰雪瀰漫江魚引白俱侵岍
沙鳥隨花亂失灘漏日光輝能自媚倚風飄泊向誰看
擁衾且飽袁安卧銀闕瑤臺夢未殘

題柳湖

君家傍湖開石扉繞堤萬柳密如圍三春柳變鶯調曲
五月湖平鷺浴衣蕩漾搖金晴冉冉徘徊覽鏡碧暉暉
柴桑處士名仍在范蠡于今跡未稀

老僧別號孤峰索題

小孤當面立老衲對孤身江底龍歸鉢天邊月轉輪

沙灣坐雪七首

天上瑞木花開時還落地點麥秀兩岐點禾生五穗
玄雲吹夏密天地忽改色只聽浪喧豗不見江南北
霏霏還拂拂淡淡轉濛濛如梅猶映月似絮不禁風
寒不壓詩狂凍偏欺酒力白戰響金聲照人生玉色
坐我孤槎中如陟清虛殿謝絕烟火氣茗椀浮冰片
嗟嗟阮途窮有時發長嘯憶我草堂前巡簷堪索笑
淵明百代人柴桑千日酒詩成一幕之吾於爾何有

雨中曉渡

遊山不問程騎驢呼曉渡雲黑正催詩雨中得佳句

偶出

漫尋春水踏桃花問渡前溪一徑斜回首不知明月上

等閒沉醉野人家

客至

大龍山人發浩歌
沽來一斗剩無多
柴門忽報車聲駐
整理烏巾掃雀羅

卽事

吟懶巡巡繞曲廊
木樨花底靜聞香
新尊看落新生月
獨掩空齋坐竹牀

自分山中採蕨仙
有司分得買魚錢
奚奴莫問漁郎姓
物色羊裘第一賢

河水烹魚魚味真
月洲烟浦趣詩人
也應沽酒來新市
笑殺桃源長避秦

方郎吳郎同釣船
櫂歌渺渺淨江烟
風流便得王摩詰
一幅生綃畫輞川

汎湖

汎汎楓湖十里中
薄雲細浪夜初融
月明會聽雙龍起
我欲攜之到海東

登天姥峰

天姥峻嶒不可招
雲巖雪壑傍青霄
天臺四萬八千尺
俯首飛虹渡石橋

過黃栢嶺居甲瑞堂不值

甲瑞堂前秋菊遲
黃英不報主人知
揚雄別有幽居宅
野客相過欲問奇

秋興

停雲亭畔枕書眠
夢到江樓月正圓
一曲洞簫吹露冷
玉人此夜隔風烟

戴

完

字仲修號渾菴嘉靖甲辰進士以部曹負重名介溪柄國與得私謁當顯擢竟不往補貴州副使威惠大著以病乞歸時年四十三研究理學與羅近溪張甌山耿楚侗王龍溪往復論難四方學者多歸之江陵秉鈞趣之起不應詩未見刻稿偶接數首頗無理家窠臼孫者顯詩極稱弘麗而耆昌竟無傳篇可慨也

撫寧道中乘馬望山海有作

迢遞北平道
揮鞭自控驄
冰堅疑石積
山擁覺途窮
征蓋輝寒日
平沙慘暮風
關城迷望眼
還宿野村中
宿慈雲寺風雨連宵有懷往事

宦况真無賴
禪宮舊有盟
琴尊連夜雨
燈火十年情
殘夢和雲作
輕寒入夏生
談經歸院晚
老衲喜逢迎

寧遠夜行有懷

升車穩坐漫成吟
風捲簾開月色臨
月念幽懷應入伴
風知綿力故相侵
塞鴻久遲雲邊素
遼鶴空聞海外音
試問關城還幾許
遊人無限故園心

運邊餉宿豐潤公署有懷用謝道長韻

天涯歲晏未圖歸
盡日驅車傍落暉
萬里憑誰遼海夢

子廷試時有人夢往遼今果然五雲回首帝城飛
巖風急柝悲殘夜
新月臨關照客扉
此去足邊應國計
不遑遊子問寒衣

三月邊城有懷故園春景

音耳月牙卷二
殊方物候總堪嗟誰遣遊人促使車落日空山餘壁壘
芳春何處覓鶯花晴峰欲露半埋雪野草將萌尚覆沙
對節轉令鄉思劇西風况復起邊笳

寄贈吳平川令河陰

下榻高歌憶昔時風烟去住各淒其雲邊親舍衝宵發
馬首王程計日馳花向河陽移植早梅逢驛使寄來遲
循良漢室元無數誰似吳公第一奇

錢元鼎

字實夫號與菴柳溪公之子嘉靖間官鴻臚丞家世工詩學尤以書畫名家所交皆賢士

大夫有集行世

清明感興

去年寒食無炊烟湖村阻雨竟日眠山山網縵隔咫尺

白雲對面猶淒然今年清明客江左坐問鄰家乞新火
遊興都因風雨慳鄉心苦被嚴城鎖城南春泥一尺深
家家愁損看花心冶遊車馬不可出陌頭壺榼難招尋
聚寶山前多古寺樓雲樓閣寒陰陰雨花高臺空突兀
萋萋芳草迷登臨道傍桃李誰爲主淚濕紅粧嬌不語
垂垂弱柳暗河橋一似含顰向人舞松楸遠近何人栽
兒孫冒雨成行來故山千里望不極天涯遊子生悲哀
憶別金陵驚十載江山依舊人情改幾度經過覓故知
洞口花深人不在飛飛燕子識烏衣泛泛沙鷗狎釣磯
關情惟此兩禽鳥無猜對語渾相依屈指離家逾五月
身寄江南夢江北傳聞親友幾凋零落落晨星乍明滅

消愁近得平安書草堂三徑今晏如吾生亦自有餘樂
逢人不必長嗟吁嗟吁兮人生擾擾將何爲百年歡笑
須及時志願不吾遂陰晴無定期嘗聞斗酒百篇詩媿
我枯腸無一詞探囊得錢恰三百沽來痛飲當勿辭呼
童研取一斛墨臨池縱筆揮烏絲清狂聊爾足心賞莫
向時流惜未知

葛巾嘆

曾聞海上鮫綃帕剪雪裁冰信無價又聞內苑賜香羅
纏頭聊足贈青娥爭如閨中善製作一幅山巾飄素葛
萬縷千絲當暑輕魯縞齊紈總不若苦憶荆釵裙布人
持身不尚綺羅春窻前燈下甘自績絺綌未就先傷神

物存人化忽三載手澤如新顏色改細細牽絲繫斷腸
裊裊垂綸釣愁海織成翻覆心悲酸技淚含情祇獨看
天荒地老不復見赤繩斷絕空長嘆吁嗟此巾莫離手
忍將更漉牀頭酒豈如匣扇怨秋風願同白髮長相守

江南夏

四月欲盡五月來葵花榴花相映開薰風夜夜催團扇
瑞日朝朝臨鏡臺粧成自照青鸞舞笑啟雕籠教鸚鵡
細春金鳳染春葱巧簇絨絲裝艾虎長日淹淹暑漸添
檀烟縈注水晶簾忙催白苧裁輕服生怕香羅膩粉粘

書感

一月閉門苦愁病曉起梳頭偶臨鏡白髮依稀一兩莖

前車風雨卷一
月裏分明得霜信丈夫意氣當青年功名何物空相牽
劉君英雄嘆髀肉潘郎綠髮悲華顛我生非無四方志
周道行行苦留滯十年磨劍尚韜光匣裏雙鳴猶未試
資質從渠變柳蒲胸襟豪宕吞江湖揮毫嘗灑一池墨
時刻莫教詩思枯

夏日書懷

溽暑招尋寡消閒病嬾宜花收蜂不開樹合鳥頻窺豈
有嘲須解更無文可移悠然初睡起散步得新詩

得吳山人書卻寄二首

谷口龐居士吳門梁伯鸞家貧猶食力歲晏不知寒已
愜齊眉願還成遶膝歡忘年君辱與常好報平安

多病容余嬾忘機任世情從來倦奔走豈是廢逢迎溷
俗偏耽隱完軀敢愛名每求方外侶隨意結詩盟

秋日自江上歸

山堂經夏閉江權及秋歸野岼潮初落沙村稻正肥比
隣歡淪茗稚子候牽衣坐弄黃昏月清輝照紫薇

送別張信夫

自別張平子高談日起予探竒多識字析義共讐書落
魄非耽酒垂綸不在魚知音倘難遇跡遠莫情疎

賦得鳩來巢

念爾巢檐志戢身寧處卑每譎維鵲詠欲作祝鷄詞飲
啄隨緣足陰晴只自知寄言堂上燕相顧莫相疑

病中書懷

溷跡聊棲市幽期本在山避人防口失卧病得身閒大火日西下涼風天未還每逢明月上相對一開顏

非王作獻歷滿還寧波賦別
辟水知名日江梅動小春風塵同作客道路各傷神鷁舫乘流發烏臺入望頻把衣情不極愁殺未歸人

初度紀興

兩歲客中度今番喜在家拚傾泥甕酒寧負竹鑪茶簾捲重圓月梅開索笑花相親憐骨月還共話京華

訪雲谿大師

避暑投龍藏探雲過虎谿松門生細籟蘿磴足幽躋山

果迎風落秋禽隔塢啼惠休元愛客茗椀數招攜

偶出

卧榻淹三伏肩輿出早秋清溪通小市香稻滿平疇有約過隣舍忘機對水鷗已成迂嬾性身外更何求

聞鴈

旅枕夢初覺秋空鴈正來霜先遼海降書自玉關回顧影飛何急迷羣聲更哀天涯有飄泊悽斷思難裁

登黃花亭遺址

隔城舒晚眺步得高臺亭去名猶在霜遲菊未開浮雲西日下明月大江來逸思飛難禁昏鐘何處催

呂亭小池

背市柴門寂池開一鏡明鳥飛清見影花落靜無聲垂
釣魚隨得開尊客共傾風塵滿道路那許到檐楹

方戶部暉山考績北上

卷書辭畫省獻績向神京雨歇潮仍上江空月正明興
隨鴻去遠聲與鶴同清奏對從容處蒼生無限情

別文光

百里遙相憶連朝得共遊東風花外騎明月水西樓不
盡樵漁話欣逢菜麥秋忽聞城郭信別思繞芳洲

小雨

小雨迎新夏輕寒釀麥秋鳥衣斜趁濕黃鳥坐交愁避
客成疎放孤吟自唱酬蕭然聊足睡終日嬾梳頭

鸚鵡

香稻空餘粒雕籠竟不開家鷄翻見妬羣鵲總相猜嗟
爾能言鳥慙余作賦才羈懷正牢落一對一徘徊

烏江懷古

江頭祠廟屢經過往事千年蹟未磨父老尚傳垓下戰
兒童猶學楚人歌怒濤似帶悲風急古木如含怨氣多
莫向英雄論成敗漢家宮闕近如何

雪夜憶二

臘月二日寒難禁向晚街頭雪漸深行人已絕獨閉戶
凍鵲忽噪風滿林舉杯苦憶去年事擁幃不復生同衾
呼兒到膝問冷煖孤燈慘淡雙愁心

遊浮山四首

幾年東望夢攀登今到龍門第一層
芒屨躡雲緣仄徑
薜衣穿竹拄枯藤
花明洞口如供佛
鳥下峰頭欲伴僧
浩興每因山水發
風塵冉冉豈吾能

巖洞虛無勢若浮
望中新水繞芳洲
烟霞嘗護仙遊地
丹碧真成海市樓
勝賞每便吾獨往
幽棲只合此相留
欲將彩筆摹真景
安得當年顧虎頭

瀑瀉疑聞天樂聲
嘯哥一和鬼神驚
荒碑蘚蝕前朝字
粉壁沙籠近代名
空洞受風終夜冷
行雲將雨半山晴
松堂醉卧分禪榻
贏得詩懷似水清

傍壁依巖結小菴
燕藏石罅語呢喃
海州福地曾傳十
蓬島名山浪說三
底用求仙過鴈宕
何須採藥入終南
玄談頓覺槐根夢
回首塵中蟻戰酣

送劉兌峰進士歸

卷書初破歲將更
又送同遊出石城
寒勒早梅初破臘
春回芳草亦知榮
何時天祿重相訪
舊日玄都已得名
把袂不勝鄉國思
鍾山霜月照人明

旅懷

江花江草喚新愁
旅食京華已倦遊
社日雨晴喧燕雀
清明節近感松楸
吟邊寶瑟誰同調
物外浮槎可自由
故國雲山好歸去
拂衣還爲故人留

雨後高座寺看竹軒

天際重雲濕不飛村端積雨未應晞寧嫌野客來爭席
却喜山僧爲啟扉竹色映階空翠冷花香拂袖晚風微
故山薇蕨今將老遊子春深尚未歸

渡江水漲如海勢

大江秋水接天浮虎踞關前解去舟微雨片帆經浦口
輕風一日到和州汀蒲岬柳青無賴宿鷺饑鳶濕共愁
莫謂魚龍吹浪急乾坤日夜自東流

金白嶼惠鮮荔枝

閩南佳品遠誰將分贈憐君意獨長飛騎何勞馳驛使
卧遊渾似到炎方錦苞猶帶丹霞色珍味還同碧玉香
草野自餘芹曝念殷勤直欲獻明光

蕭杏莊樓居缺于登眺賦寄

仙人自昔愛樓居蕭史飛薨切太虛臨別已孤登覽興
經時翻訝往來疎晴窓受月心常靜水檻涵秋畫不如
猶幸秦淮潮信早素絨還好托雙魚

松莊省耕作

十里青松帶白雲農謠牧唱自紛紛老妻解識躬耕意
稚子能傳論俗文風細茅堂聞燕語水清芳沼散鷺羣
猶慙多事還城市茗椀胡床戀夕曛

感舊和友人

客窓風雪入殘年往事空懷十載前繡閣生春寒不到
金尊留醉夜忘眠歌翻玉樹人何處墨灑烏絲蹟尚鮮

唯有南樓舊時月清光無限向人圓
春遊茅山
洞口尋真處處通
瑤芝石髓思無窮
山中秀句推張雨
物外丹砂慕葛洪
澗水有聲消積雪
洞桃含蕊待春風
瓊樓玉宇題應徧
鶴背吹簫繞碧空

登峰

披星中夜禮茅君
第一峰頭掃白雲
海日恍從三島見
天鷄如在半空聞
虛皇秘授長生錄
太乙親持北斗文
回首人間猶未曙
滿身香霧正氤氳
新林釣磯
傲吏思歸便得歸
新林閒却釣魚磯
季鷹本為鱸羹美

元亮何資斗粟微
白鷺滄洲還舊業
綠蓑青箬遂初衣
玄暉古調君能繼
六代遺音和者稀

鳳凰泉茶所

官薄還鄉無酒錢
獨將茶事寄清緣
著書益苦文園渴
飲水惟甘建業泉
客至旋教分活火
鶴歸終是怯餘烟
思君寫竹吟詩處
兩腋清風便欲仙

春懷

三月鶯花已漸過
閉門鬱鬱奈春何
日烘細柳綠烟淡
風入小桃紅雨多
錦瑟漫懷聲裏怨
竹枝猶聽夢中歌
江南正是芳菲節
料得春衣試薄羅
團山翁卜居別墅號易醉山人

山翁習靜謝樵漁試卜城東作隱居旋向新隣乞花竹
卽看幽鳥到堦除詩懷易醉非耽酒老眼相親只是書
門外輪蹄任來往庭前風月自清虛

次蕭鶴田見訪韻

雪裏談詩每夜分春城尊酒復論文餘寒不襲黃綿襖
醉筆狂書白練裙柳絮白飄風軟軟杏花紅逐雨紛紛
盤桓更惜重分手冷淡交情獨有君

答吳山人古樗

乍向風前展素書故人消息未全疎題詩盡染烟霞色
習懶空懷水竹居動地秋聲霜降後滿天寒色雁來初
相思便欲登浮渡遲爾攜壺興不虛

家兄左長史存菴公過桐省墓聚首旬餘漫賦畱別

五年未拜麒麟塚千里遙分棠棣枝迢遞每牽春草夢
瞻依應賦白雲詩奉常早歲仙班後幕府風清吏隱時
一自長沙新命後江東無限故鄉思

樓成

款鶴昔曾開別院收春今復架層樓閉門覓句經時得
與客移尊竟日留清引花香浮几席翠分山色上簾鈎
致身敢謂居高潔懶性偏宜此地幽

曉發皖城暮抵破堽別業

出城猶自見殘星下馬驚看月滿庭百里風光雙眼白

一江南北萬山青鶯聲喚客誰為主花氣曛人我獨醒
却笑閒身忙裏過年來踪跡任浮萍

林有望

號未軒嘉靖癸丑進士初授邵武令律已字民以清惠聞擢兵部職方晉郎中時分宜枋政忌公彊直以僉事出備兵四川瀘淑蜀人稱爲海罡風復見連抗分宜三疏詆諆不少屈皆留中遂挂冠歸去之日帑有羨金十萬例爲公有吏以故事請麾之弗問垂橐而歸不能名一錢也公居官十載未嘗及家人生產野無尺土市鮮一塵其太翁爲築空洞窟泉竹石自娛著有史綱辨疑數十卷年未五旬而歿桐之稱清白吏者推公爲最而郡邑乘皆失紀載可慨也已

蘓原桺溪韻紀事

臨池開讌興偏賒竹蕩波光日已斜兩地歌翻風底葉
一聲 壓髻邊花葱青處處平林路紅紫紛紛淺浦沙
病足不勝浮大白筍輿醉倚勝仙槎

兔河早發

曉起開船雲欲曙赤霞殘月兩爭輝櫂聲款乃穿波影
羌笛咿唔入翠微夾岸桺條垂近尺平湖菱葉滿纔肥
遠山四望青如許一路帆檣鏡裏飛

胡效才

字用甫號澤菴嘉靖乙丑進士少貧資束修羊以贍菽水性孝友事繼母吳尤謹博學有成未及仕

登玉峰

雨餘穹翠入窓來獨上峰頭步幾回歌舞自憐風日麗
髻毛休笑雪霜催萬家匹練花叢繞一望三江樹色開
春水莫愁魚雁濶新潮應到射蛟臺

登第

自笑窮經五十餘恩光何幸到寒廬黃墟白髮新依土
紫陌紅塵乍點書家擁百城還破卷園開三徑欲教鋤
春風拂面好歸去稚子門前已候余

何思鰲

字子極號海漁嘉靖間貢士以廷試第十授
棲霞令性仁慈簡潔居官多惠政秩滿告歸

以子如寵貴贈
武英殿大學士

登聖水菴和韻

掬水尋香入翠微隔林浮渡午鐘稀路攀危磴蒼茵滑
泉劈輕烟白練飛磴道細看梳石髮雨聲驚聽擊雲扉
經營却羨如神漢我欲甌甌坐不歸

錢可久

字思畏號畏齋存菴公子桐溪公孫也爲人
倜儻清妙所交盡一時名流自言與西湖結
物外交常駕舟千里訪之善書法與王百穀周
公瑕齊名詩集頗多後嗣零落遺佚過半矣

宿舒城

朝出桐城門暮宿舒城陌離家未百里卽是他鄉客
客思難禁當愁心空脉脉舉酒問明月清光如可惜不見
故山人惆悵浮雲隔

湖上與永思率卿同泛

落日湖中景西風物外期四山遙對酒一水共題詩社
燕秋歸盡征鴻晚度遲櫂歌行處好鷗鷺莫相疑

曉起登朝陽洞

石林瞻峯嶸山勢鬱崔嵬客夢回仙界塵緣破上台霞
明天路近日出海門開試問朝陽地何時鳳鳥來

九日感懷

音耶風雅卷六
村居聊寄食多病未全瘳忽憶去年事還悲九日秋霜
花籬畔少風葉檻前稠獨有寒山月分明伴客愁

憶紹卿

臘日遙相別花時苦憶君愁看屋梁月悽斷雁行雲北
峽風烟迴南樓草樹芬幽懷誰共語對酒易成醺

再遊風洞宮

世俗吾能厭立房許再過野花看不盡幽籟聽還多醉
曳青藜杖狂吟白雪歌眷茲山水趣欲借魯陽戈

宿永思探微室話心

探微留信宿顧影轉淒清夜半吟風葉秋空作雨聲道
窮無復夢山靜不聞更鮑叔應憐汝平生向此傾

西郭趙園

逆旅經時久芳郊載酒頻常因看花處憶得故園春筍
迸籬根出萍浮水面新灑然逢一笑聊爾任吾真

徐州飲路河樓園上聽歌

歲晏逢君水上樓酒淡娛我越中謳江干未信周郎顧
道路能銷阮籍愁九里卽看山月吐三洪直接海天流
曲終更有無窮思五夜還從秉燭遊

再過厓翁偕可園賞池上芙蓉

名園不厭屢相求回首多情戀舊遊菊蕊尚憐陶徑晚
芙蓉獨占習池秋蹉跎往事浮雲過磊落高懷竟日留
入夜燈前聞古調往來真擬醉鄉侯

元夕同春臺魯臺二宗室燈遊興隆寺

繡陌笙歌夜不休
梵天燈火暫相投
煖雲低傍浮圖宿
慈月清隨寶藏流
風景漫憐城郭異
禪談應憶故山幽
王家兄弟多豪逸
結束忻陪妙躅遊

訪竹軒舅氏

白雲紅樹日成村
下馬從容款竹門
別久情親常見憶
病餘愁况不堪論
山童采栗修茶供
野鳥啼花傍酒尊
月滿前峰如有待
未須燈火報黃昏

同紹卿永思智思中思重遊碧泉菴

短策凌秋兩度攜
貪幽不畏遠攀躋
看花已過重陽節
聽鳥還同舊日啼
石峽水奔山欲斷
松門雲擁路如迷

風流喜有支公在
到處觴予乞醉題

望洋殿下以詩招嚴君春晏用韻奉呈

葉意花情總未知
春光先到萬年枝
卿雲幕殿張燈夜
瑞雪融城設醴時
落魄向來悲阮籍
才華今復見陳思
賡歌幾度裁新句
醉聽天街漏下遲

感春疊前韻

著意探春春不知
雨鳩忽報上林枝
梅妝帶粉初勻處
柳眼窺青欲露時
岱嶽久懸塵外夢
皖江常繫客中思
鑪熏一縷書千卷
消受閒緣晝景遲

贈劉道士石昌陽

嵩岳仙人何處尋
石間靈節餌長生
蘭于楚畹空成佩

桃以玄都浪得名遂有白雲浮几席不妨青霧鎖簷楹
移根遠贈餐霞侶倘許攜之朝太清

登岱二首

巨鎮峩然聳處安春風乘興得奇觀虛聞神府三千里
直扣天門十八盤白鶴飛泉流玉髓扶桑影日弄金丸
秦碑漢碣空苔蘚指點當年封禪壇

路轉東峰一徑遙徧攜仙杖擷芳瑤暖風二月花初發
背日千巖雪未消青島會傳天宇信蟄龍應動海門潮
忻從上帝觀元化常擬高真絳節朝

舞雩臺在魯城東去歲趙東山應達劉小航漢同

予嚴君及舍弟可大嘗有避暑之作今予復從

嚴君遊因次其韻

試將春色望中收長日郊原事事幽雲起直連山盡處
花開欲遍水東頭時光又見飛玄鳥機息誰能信白鷗
一自點狂歸咏後舞雩贏得至今遊

同魯田彭丈東山趙丈從嚴君踏青南郊 竹村

殿下遣家樂餽酒饌助發遊興神思飛越一飲

至醉次東山韻

踏踏歌聲滿近郊名園背郭水週遭花間巧度霓裳曲
天上遙分玉色醪春宴直能方李白幽情那用美山濤
同遊况復憐同調不是詩狂卽酒豪

春日感懷次 中立殿下韻

前明風雅卷六
碧草天涯思欲然白雲江上夢頻牽鶯啼却怪春催老
柳困應從晝學眠琴几對吟消閒寂轆轤斜倚看回旋
殷勤計到歸家日水滿陂塘秧滿田

福興寺赴忠上人之約晚過趙國重樓上邂逅沈

郎歌以侑酒

乾坤秋老總茫茫日日尋秋野興長初地午餐逢白足
高樓晚宴出紅粧簷前共指三星爛水際遙懸片月光
判醉且將愁並遣春風猶恐斷人腸

葑園同王子質詹伯中姚永思賞菊觀一松翁諸

豪

往年曾此看花來又見寒芳幾度開谷口風流傳折簡

江門月色照銜杯勝遊喜結青雲侶寡和同驚白雪才
欵洽坐聆玄論久却疑身世在瑤臺

登道安作

闌干十二擁高樓今有神仙在上頭嶺外鶴歸千嶂月
天邊雁度一江秋青雲夢入鵬搏處白水光涵鳥落洲
指點欲憑雙醉眼蓮花九朵望中浮

二月雪病中作

四陽猶見六花開萬里愁看一片皚掃積烹茶供伏枕
凌寒沽酒負登臺郊南草淺春無跡檻外梅遲鵲不來
此地自甘袁卧穩何人獨擢剡溪廻

長干寺

寶地登臨一望賒帝京風物見繁華雲開金碧浮雙闕
日麗烟花簇萬家孤塔俯臨禪界淨長江廻抱石城斜
三生未遇真僧話欲借松壇卧紫霞

新豐里

千里風霜十日塵青林一道帶通津停車笑問新豐市
不見當時賣酒人

夜酌對紫荆花

春風芳草徧天涯二月遊人未到家愁絕夢中桑梓絲
一尊空對紫荆花

席上戲贈歌兒小喜

翠柳枝頭轉栗留碧桃花底醉筵篌鳥聲恰與歌相和

更向誰家倩莫愁

謝如山

號宇華嘉靖間貢監生
官福建汀州府同知

春日同友人過慈社

春風先客到繞徑柳條新啼鳥爭求友游魚不避人一
乘聞妙法半日寄閒身賴有招尋侶年年肯負春

吳應道

字自明號來儀儀亭公之子邑諸生少承父
志讀書砥行如鉅人長德年二十九甫入泮

賚志而歿以子用
先貴贈如其官

憶牡丹

各花次第向春風主人猶自滯江東桃李繽紛落英盡
爛熳好開錦繡叢嬌膩楊妃初酣酒艷染樊素櫻桃口
深緋淺絳炫朝霞瑩白瑤臺映瓊玖奇芳異品種非一

魏紫姚黃詎能匹含情不語向空階可憐一度春光畢
但留傾國姿容在珍重香心寧自耐明年重賞舊芳菲
玉瑄鸞笙還相待

戴

乾

字元泉嘉靖間處士以才名稱喜詠諧善飲博草書學大令而圓捷較勝無子所著詩文

散失無存歷于幘首扇面問得詩數章以存其概

述古四首

英雄存其身安有仇不報滅楚與復楚果不出所料後
此博浪椎報仇志未了進爲漢廷傑退偕赤松老功成
保厥軀王侯安足道相逢我青田千載一長嘯

淮陰一餓士得志遂王齊功高非不賞爵貴身遂危兔
死狗旋烹人情重堪疑前此溪邊嫗曾救王孫饑後此

呂氏後一身遭誅夷生死婦人手英雄徒爾爲進食不

望報斯言可啟迷何必蒯生計追悔臨刑時

洛陽一年少慨然悲時移老成旣謝事新進非所宜早
知勢已太痛哭亦奚爲不如捲書劍歸卧滄江陞湘水
一憑弔逝者有如斯悲君千載後投文弔者誰

武侯與留侯漢祚賴之安留侯爲其易武侯爲其難吳
魏各虎踞蜀漢誠彈丸指揮軍旅間中原側目看北伐
功未成奸雄膽已寒

雪後過汝駕弟鄉居二首

陰嶺留殘雪寒光逼小除林寒高士意地迥野人居護
竹籬新補移花凍未舒客來還有累瓶粟僅能儲

曉霽松烟白庭幽柳色黃山童眠正穩野水響逾長
欹客將起開門月未央鐘聲何處發清韻總蒼茫

金陵應舉漫興

不定風帆日夜流金陵江色媚溪秋不知誰對天人策
若箇同登李郭舟桃葉渡頭多繾綣雨花臺畔足淹留
莫愁興會無知己且醉秦淮舊酒樓

郊外訪菊

園翁生計未全違半載栽培蕊已肥也待西成纔有望
擔頭秋色賣錢歸

龍眠風雅卷七目錄

木厓潘 江蜀藻輯

錢塘倪 粲闇公 叅

同里張 杰如三

盛世承 十二首

趙鴻賜 三十三首

方學記 一首

方學漸 四十四首

方學箕 二十七首

方學聰 三首

方大美 三首

龍眠風雅卷七

木厓潘江蜀藻輯

方學漸

字達卿號本菴萬曆間明經不仕闡明性學該貫百家著書凡數十萬言有易蠡性善釋

桐葵適訓桐川語諸集同時如高景逸顧涇陽諸先生倡學東南皆推入為職志四方學者多歸之蓋桐邑講學之盛未有右于先生者也詩歌獨宗盛唐以孝友篤行致庭樹有連理之祥稱連理堂集門人私謚明善先生子大鎮大鉉孫孔炤曾孫以智輩一門忠孝文章焜耀聯綿知先生之遺澤也遠

阻風

朔風吹樹黑雲流江濤日夕鳴牀頭荒汀斷岬兼葭秋
千艘萬舶帆檣收雪花零亂不可權對酒自歌還自笑
夜深孤鶴掠舟飛江門片月寒相照

前集卷七
饑民哀

馮夷頻作東南祟旱魃今年復爲厲水田滅沒恃高田
高田焦涸空雲烟農家作苦望新穀播種不收况旨畜
磬懸四壁甌蒙塵拮据木實劓草根草木鐺中無粒米
腸胃雖充脚力痿壯夫買買瘠溝渠老稚輾轉更誰呼
閉門僵卧不能出雨雪飄颻風颼颼怨陽伏陰鬱爲災
才遺札瘞歿蒿萊不及孤鴻飛千里猶能一飽江湖水
浮雲散去卽長空殍殮征徭隸籍中追逋悍吏猛于狼
鳴鑣連輅馳村鄉小戶逃亡追大戶不嗟此儻還索賂
帝閭萬里阻且迂誰獻監門鄭俠圖君不見太倉紅粟
化爲土嗇夫割羊飼圈虎

白雲巖

磴道斜飛瀑巖花半入雲望中孤鳥沒天外一江分竹
柏山樓色旃檀石鼎熏軒然長嘯發清興好誰聞

浮山二首

攬勝入丹丘迂迴石逕幽樓臺浮蜃氣風雨出龍湫野
濶天連水巖深夏欲秋坐無塵世念疑是泛虛舟
萬壑迴流水溪源種碧桃樹迷千古洞山接大江潮複
道來仙客高峰采藥苗衰年堪寄跡寧羨十洲遙

再遊浮山四首

麥秀暮春天重遊島嶼邊青山開石屋碧水泛芝田花
對巖前酒茶分樹杪泉老僧能任達夜共竹牀眠

靜寄巖廊下塵氛晝不侵
簷管風韻細陵谷雨花深
絕壁看苔字清泉撫素琴
舊遊渾夢寐追訪只雲林
何處堪棲逸巖深地自偏
坐依盤石樹飲對落花天
翠黛春添色雲霞晚更妍
寥寥方外榻已覺淨塵緣
金谷岩巽外春花紫翠重
漁家明滅火梵閣有無鐘
雨逕來僧屐風崖拄客筇
登臨興不極尊酒上層峰

資福寺

官道紅塵暗禪林白日閒
山門斜逐水堤柳密隨灣
酒熟花初發春深夜尚寒
醉眠高海曙鐘磬落人間

重登望華亭

石閣遵江渚題鐫憶舊遊
晚風重繫纜明月尚懸秋
渚

岼蒼茫出華山翠黛流
蘆花烟水外隱約數漁舟

龍眠精舍

高林散紫烟剡岫敞青天
水下丹崖曲花開石磻邊
坐茵分野鹿鳴瑟應山鵲
誰信雲深處蛟龍未穩眠

魯王墩

春晴頻載酒地僻更探竝
草密疑無路花開別有天
荒墩斜照裏野燒亂雲邊
魯谷空千古臨風一惘然

訪王元善

適國攜龍劍尋真上鳳臺
萬竿當席出一杏傍壇開
皎月秋偏迥涼風夜欲迴
願從九節杖飄渺到蓬萊

合明山

雨霽虹消嵐氣清
乘春攬勝入蓬瀛
何來兩片玻璃石
能作雙懸日月明
極浦亂雲來野色
寒山落木動秋聲
蒲團老衲風簷下
法雨開華照水晶

東征

朝鮮海外作東藩
長護遼城絕寇源
豈謂憑陵愁日本
至勤師旅出中原
千艘鎧甲衝鼉浪
萬里旌旗散蟻屯
聞說釜山新築壘
控弦未許息轅門

左慈丹臺

元放燒丹萬仞臺
皖潛深處白雲堆
匡廬氣色天邊出
楚澤風烟江上來
松老歲經秦雨露
壇荒人說漢蓬萊
許昌宮殿空淪沒
鳩鵲當筵掠酒杯

天雄別兒大鎮

五載馳驅千里外
一官迎養二親來
異鄉難得庭闈聚
秋水俄驚別櫂催
直北風沙高皖嶽
江南米價賤燕臺
我行自足桑榆計
不必看雲首重回

司玄洞

曉隨飛鳥度山椒
洞入司玄敞碧霄
人世已成千嶂隔
天家誰羨五城遙
到來雲壑參龍馭
忽聽仙宮落鳳韶
已謝風塵投鶴鹿
便從黃綺擷瓊瑤

靈源觀

彤樓紺殿遶雕欄
烟裊獅狔曙色寒
洞裏有仙呼玉箸
人間何處覓金丹
蔚林黃鳥啼春晝
夾岫紅桃點石瀾

自笑風塵空在苒欲生白羽振雲端
王屋寺
葛杖通王屋烟蘿接上方寒流分燕尾曲逕轉羊腸地
勢雄吳楚琳宮歷晉唐雲棲禪榻黑日照佛幢黃虎穴
依蓮座丹爐隱竹房雉從經卷度龍向鉢盂藏仙果風
前落虬枝雨後長崖深喧瀑布林密亂鸞鶴筠籜當巖
出金櫻滿路芳嶙峋山作障屈曲石爲梁磴道盤孤岫
丹青落古堂明霞低劍佩修霓襲衣裳嵐氣浮空翠江
聲入混茫僧臨白石汲客煮紫茸香嘉遯懷巢父清貞
想務光世緣渾欲謝機事淡相忘

石馬潭

怪石潭中立疑是渥洼駒何當化龍去逐電馳天衢

滑石河

曲曲龍眠河磊磊河中石步石渡寒流雨後堤邊立

盤雲迳

上歛千仞石下臨百石磴磴道千盤入青雲似可梯

豸角峰

亭亭豸一角孤立霜天青聖世無邪孽幽壑有山靈

雙木岑

萬仞如雙筆噴吐入上台清秋遙對汝愧我謫仙才

蓮華屋

曉日照芙蓉爍灼青雲裏秋色不朦情天光淨于水

走馬岡

平陸多覆轍羊腸爲坦塗振策雲霄上風雨慎馳驅

楓香菴

放杖白雲岫說偈丹楓菴落葉分山谷一榻自瞿曇

鵝公嶠

員嶠勢入雲環峰莫爲侶不知此嶠嶺旻天更幾許

黃白嶺

青黛從開闢黃白定有無我來尋大藥春雨喚蘼蕪

蜿蜒谿

何事桃花源漁郎不再入只今蜿蜒谿路迷雲滿隰

水簾洞

洞雲長日靜簾水不曾閒坐見寒流去悠然此閉關

楮棚灣

木天詞賦客爭美赫蹏文翻從造楮者鑿破剡溪雲

蜈蚣巒

此山有蟠龍寧受蜈蚣制長日石中眠一朝風雨至

賽社壇

山叟不知春燕來一賽社不采杜鵑紅壇前問桑柘

幽竝峽

已倦青山屐還開竝峽罇幽谷聞啼鳥寒流咽石門

環流壑

石澗千條落環流一壑開胡麻殊可飯莫教阮郎回

育龍湫

靈湫開絕巘神物此中藏何日風雷作甘霖浹四方

澤豹巖

霧雨饑玄豹長日隱溪山但求文自蔚不怨少窺斑

搏虎嵎

猛虎負嵎蹲匹夫向嵎搏虎去石林空巉巖橫碧落

登洪濤山

不盡雲山天際流登臨如載木蘭舟徐生大藥尋難見

浪指滄溟撼十洲

采蓮曲二首

若耶薰風花正飛木蘭舟楫蕩晴暉青春白面誰家子

夜夜放歌溪上歸

采蓮兒女歌不休今年花發倍添愁記得舊年花半蕊

為郎失却玉搔頭

訪張生

野岬春花刺眼明沙汀白鳥向人鳴紫軒柳絮迴風舞

彷彿山陰雪裏行

盛世承

字以烈號菊泉司徒古泉公之第七子萬曆丁丑進士初授戶部主事尋改兵部迴翔部

署尚書倚以為重出為藩臬所至多政蹟官至南京光祿寺卿性恬淡恥奔競工詩文尤精書法晚年好道以山水琴咏自怡有逍遙物外之志壽入十八卒之先一夕邑令夢公衣鶴氅揮塵言別升雲入碧漢比寤亟遣存問已無疾逝矣予徵詩集于其家猶公所手錄波磔端好儼然典刑未遠也

葉山

歸賦別

出關渡桑乾蕭蕭滯寒寓邊塞多悲風家山眇雲樹客
從桐鄉來乍對驩如故浮生無定踪去來同沫聚感君
意氣佳下榻爲徐孺掀髯酣且歌時出驚人句殘局角
空庭鳴琴發清暮有術窺青囊烟巒生指顧高談欣素
心神隱洽真趣秋深露欲凝冥雁紛南驚翩翩動歸輪
遙向太行度欲留不可攀欲隨事仍忤簪綬爲微牽清
賞聊自具雙髻今已絲微榮何足慕所願山水間何事
苦樊笈憑君語山靈余將返初步待得桃花開谷口挹
輕霧

甲辰春余以病甚不能入覲遂得致仕

偃卧北窓靜遙臨計事紛汰除寬病吏休沐荷明君堦

柳先春植亭花帶雨分一丘堪任懶隱矣不論文

卧病

濟勝偏逢雨晴天却抱疴山光隨處好心事奈秋何素
壁長懸嶽閒庭獨盼柯悔緣辭客久幾日少人過

辛亥三月山中歸偶夢尊開峰影外一聯因成一

律

谷邃非人境春亭晝似年尊開峰影外棋落水聲邊有
勝疲仍往無喧懶任眠冥棲欣得地長此覓真玄

瞿率甫鄉丈訪余雲中贈別

沙磧無春塞月高鄉書長斷夢魂勞故人冰雪輕千里
俗吏風塵已二毛東海未聞平島嶼中朝猶自乏山濤

相逢莫話憂天事且把閒情付濁醪

胡子恒表兄遠訪春日言歸賦贈

匹馬和雲度太行相看忽忘是他鄉孤城夜月連榆塞

萬壑春烟隔草堂君到山陰窮遠興我遲彭澤誤清狂

冠裳世路難終老妬殺江南薜荔芳

用韻酬謝山人

懶惰何心論蜀都小齋閒晝獨支梧蒼生事業輸儕輩

丹壑風流屬病夫瓦鼎茗香烹夜雪紙窓梅蕊綻冰壺

故人珍重槭書問為報蒲團萬慮無

贈孫真道丈

手握玄圖靜裏通芙蓉冠映野顏紅幾年絕粒寧須藥

何處尋真獨御風書付鶴傳三島外爐教猿守萬山中

蘓門當日會長嘯漫道孫登即老翁

偕段士朴遊南中

八十春秋興未灰扁舟同下秣陵來六朝文物猶存否

四望山河亦壯哉選勝車騶紛水竹追懽簫鼓沸樓臺

登臨到處都成感幾樹閒花對雨開

岳太和過訪山居用韻奉酬

危巒秀入五雲齊俯瞰塵寰萬象低一線石中窺碧落

半窻榻底隱虹霓靜來轉覺玄關近懶去從教白日迷

不厭幽人頻著屐相將笑語度前谿

睢陳道中入淮北

音耶風牙卷七
四十日前曾此去旋車却喜卽重過北來烟雨迷村樹
南去山川翳女蘿烏倦但思林宿好馬遲偏怪路迂多
寄言亭子東頭竹好遂初衣挂芟荷

春日懷歸

時治兵雲安

五斗羈人未得歸窮邊三月雪霏微雁魚錦字經年隔
麋鹿幽蹤與世違旅夢不曾離竹徑山靈休笑裂荷衣
春溪應度江南道我欲乘風跨鶴飛

方學箕

字紹卿號少洲秀廉石洲公第四子以諸生入成均遊遊吳越間所交盡一時名宿晚歸

隱梅花館壘石爲崑題曰卷石山房賦詩飲酒有謝靈運之風

遊龍門峽

龍門之山高幾許懸崖絕壁真無際一道飛泉天上垂

何如瀑布銀河墜林花爛熳鳥如歌澗雨溟濛魚引隊
疑是神龍解我來此時故把風雲會

重九前一日登雨花臺

出郭先重九登臨想六朝麗人嬌粉黛清籟雜笙簫江
練迴看迴雲山一望遙興來成醕酌歸路任飄搖

九日再登雨花臺

百年佳麗地九日復登臨黃菊知時節青山自古今嵐
光浮野淑秋色澹高林故國江天外長懸萬里心

送錢畏齋歸里

短燭彈深夜寒蟿泣杪秋我忻君暫合君去我仍留南
國三更夢西風五兩舟那堪分手處雲水共悠悠

下第後還家作

上書嗟未達理楫復西歸空負長卿志甘遺季子譏所
憂在出處豈直戀輕肥試看雙龍劍終宵燦紫輝

謝公墩

古今餘勝蹟延佇傍花宮落日千峰暝平林萬象空放
歌吾輩樂逸興幾人同僧解前朝事猶能說謝公

夜坐

愁來慵灑掃霜葉滿風林落日鳴寒杵秋天急暮砧碎
明簾月影雜籟戶蛩吟對此渾忘寐悠然動遠心

幽軒雜意

幽軒每獨坐清澹似禪林踪跡傳孤劍行藏侶素琴檻

雲朝寂寂窓雨夜沉沉斷酒緣多病愁來孰可禁

寄從父可吾軒

為憶芙蓉叟幽居勝事繁逍遙磐石上嘯傲可吾軒向
日葵生子凌雲竹有孫醉還容小阮狂極肆清言

春日同家兄建菴南阜昆石舍弟學易學守學記

學謨學祖學能表弟高繼真姪大有登浮山

共尋浮渡勝喜及仲春時山色分孤石山麓有石可供
盆玩僧出所藏

以巖芳得異枝
山有奇卉因
贈巖芳得異枝
得數種歸耽幽頻歷險乘興更搽奇

一笑天池上難禁別後思

和之山吳丈長吟閣韻二首

飛閣摩空清晝閒幽人瀟散迴難攀翠微當戶遙開畫

繡句驚人總說山日暮不辭筇竹過興來時灑墨花斑
却看僮僕來城市笑指瓶中得酒還

陰符仙籙滿牀閒五粒松枝好自攀杜甫詩名留海內
吳筠逸興寄嵩山江籬裊露新縈綠湘竹臨池舊染斑
媿我與君相見晚問奇端擬夜深還

春日訪友人不遇歸宿途中悵然有述

文園共坐軒楹敞改席郊垆酒漫斟小榼愧攜無異味
孤琴遠抱爲知音光生暝樹花籠月寒戀春衣雨過林
良夜已虛徐孺榻蕭然猶覺似山陰

卷石初成

曲檻疎花間碧莎小山學結五雲窩深藏未許神龍蟄
守屈惟教尺蠖過映戶平分紅爛熳迎窓小出翠嵯峨
籬邊莫訝開卷石數仞功成一簣多

廣惠祠

仙壇如洗晝沉沉古石臺階碧蘚深滿樹繁花開綺繡
一園疎竹長球琳風前草磴含新潤雨後山楹落午陰
十二曲欄人不到百年誰共白雲心

綠漪亭

孤亭小敞綠漪隈明鏡浮空照客杯平地衝烟飛鳥去
半谿懸日亂帆來林園麗藻千篇具翠紫生綃百幅開
黃鶴更無崔顥句謫仙空咏鳳皇臺
四日王愛江招遊燕子磯賦答

四月尋芳燕子磯江光野色映絺衣千章夏木浮青靄
一縷晴雲鎖翠微亂畧鳴榔看並進鮮鱗出水訝初肥
風流最愛王摩詰結伴攜尊坐晚暉

宿海聲樓

一榻同心慰寂寥五雲清話逼寒宵松風吹籟樓如海
枕簟生涼夢亦潮笑兀沉窻嵐氣合蒼茫浮屋月明遙
酒醒恰似中流柱獨障狂瀾不任漂雨對山僧密手釘

午日飲綠漪亭次韻

五兩風搖百頃湖八窻天繪輞川圖朱明漫畜三年艾
綠水聊分九節蒲舞燕掠泥幽自語流鶯入樹巧相呼
滄浪一濯塵纓淨清似渾身坐玉壺

昭君怨二首

歛衽辭天闕含羞逐塞塵此行何敢怨妾命不如人
漢宮花似錦胡地草如銀同是二三月東風不釀春

劉慎吾贈石却謝

怪石從何處玲瓏自可憐感君同白壁置我小窻前

春行二首

燕語鶯啼相和風恬日暖兼嘉野淑堤堤楊柳春山處
處桃花

馬尾河邊春樹鷄皮道上烟村茅店方言估客天涯何
處行人

春日同仲兄建菴及姪大章飲松鶴樓次雷半窻

韻

春草池塘虛好夢竹林清雅愧名流蛟龍未鼓桃花浪
一夜淒涼似早秋

感興

自笑狂夫老更狂相逢一飲累千觴歸鞭不控馬蹄疾
滿路松陰山月蒼

醉後口號

斜日西風青酒旗烏啼花發斷腸時歸來醉度溪橋晚
上馬離鞍總不知

趙鴻賜

字承立中丞在野公之子萬曆中太學生性篤奉中丞公立祠堂置祭田克承其志好讀書汲古師事耿天臺張饒山兩先生與焦漪園管東溟稱高足又游于羅明德先生之門衍新建良

知之旨闢宜秘洞會延致多士為陋巷會約所著有人海鷗吟無甚高論跪石齋稿學者稱樅江先生

寄衣曲

金飈何處至浙浙入房幃寒氣早侵面寒衣猶在機停
梭意轉亂罷織淚頻揮漸覺剪刀冷遙愁霜霰飛計程
萬里遠惜別幾秋違只自密針線那能料瘦肥夢中曾
把贈醒後倍歎歎旬月衣堪寄關山人去稀今年猶寄
衣明年歸不歸

望華歌為清溪劉道士賦

九子九子高插天枝峰蔓壑如青蓮九華之名自誰始
云是唐朝李謫仙此老善貌雲山態一言出口千古傳

余亦海上釣鰲客生來卽有烟霞癖扶搖自得美鵬騫
檀槐相伐悲蟻厄桐帽棕鞋白布袍到處尋幽驅下澤
偶爾樅江訪道菴攀蘿頓覺風生腋瞥見芙蓉萬朵青
拍欄大叫江雲驀清溪道士菴中主長揖邀余揮玉塵
把酒談玄興益豪江烟收盡鷄聲午陡然山影杯內浮
一吸九華歸肺腑滿懷突兀不能禁吐入江心爲砥柱
須臾霧合滄波立巨靈落魄蛟龍泣駛雨颭颭射疎櫺
飛鳥入庭松桂濕余復長嘯下山前呼童卜築樅江邊
買舟理楫凌浩蕩魚爲租入水爲田清溪道士聞此語
拉余穩住山之巔余曰風波元不惡世途險巖如倒懸
眼看俗子徒擾擾識浪不停心火煎何如垂釣鈎寄泊
望天際九子雲端亦點頭

題齊護蓮卷

昔聞蓉川老謫仙雄才逸興何翩翩紫皇召入蕊珠殿
獨掃金華玉版箋袖得雲中白榆種投向碧沼成青蓮
異香淨色鬪嬋娟恍如姑射之女湘浦之妃高擎翠蓋
爭鮮妍老仙一去經幾年阿孫風格更超然池上讀書
閒走筆錦繡頡頏三百篇樅江浪士豪且顛時扶柳櫪
結良緣長嘯鎮日泛觥船藕孔神龍不敢眠與君同跨
凌蒼烟好將金齒菴還栽太液濯清漣

遊茅山放歌

我昔掌書白玉京乃知華陽洞卽是芙蓉城墮落塵寰
誰作王賴有茅家三弟兄搗來尋舊好猿鳥遠相迎茅
君留我飲欲將地肺烹余曰不然靈泉可釀乖龍可羹
瑤筍爲菜玉柱爲楹雲中鸞鶴皆簫笙玄談密語忘朝
夕不知人世有陰晴却笑五侯門下客空教白刺滿頭
生

謁赤帝祠

我亦豎儒輩彈冠仰帝容空階閒走鹿望氣尚成龍父
老留遺愛山川得舊踪莫悲炎業盡猶見白雲封

玄對樓遲月

把酒揖星辰天風透葛巾雲間將吐月樓上未眠人玉

宇看無極瑤華摘已頻醉來吹鐵笛欲跨白麒麟

秋日村行二首

秋風動狂興緩轡作清遊紅白蓮同浦青黃稻異疇山
中雲逐鳥溪上鷺乘牛日暮情無極林深不可留
谷口秋聲鬧峰頭落葉繁兒童拾遺穗鷄犬上頽垣豐
歲農應樂催租吏尚喧征輸休厭擾安土卽君恩

雨中有懷周存江

聽雨閒清晝焚香伴索居思歸無定日頻檢寄來書悵
望關山遠翻憐歲月虛周郎同作客庭草近何如

白下別周存江之吳江

天生吾輩在寧久困蒿萊倚馬人何及屠龍志未灰雲

迷三楚遠月照一舟回莫便耽岑寂明時肯棄才

城中草菴與范季直許重卿聽誦經二首

茅茨為寶所籬菊即優曇儘可留僧住因之對月談逃
名多是夢佞佛亦成貪壁觀寥寥意庭前栢子叅

山轉疑無路橋迴倏有堂泉聲傳梵唄花氣續鑪香榻
冷雲同宿庭虛鳥共翔何如蓮社裏蹙額學柴桑

庚子秋日南游舟中遇風作

豈不知藏拙如何復遠遊百年心未了一罅意難留白
浪吹高樹青雲引去舟擬沽桃葉酒醉賞秣陵秋

奇致閣

潛夫何偃蹇虛檻澹相依霧散女墻出春溪官柳肥拙

難謀鵲印貧不恥牛衣病骨休嫌傲新交是翠微

贈悟圓上人還雲棲兼訊蓮池師

遙攜錫遺民久掩扉正逢霜葉落歛見雨花飛半
偈令人悟孤帆計日歸雲棲真古佛投老願相依

春日訪吳客卿太史次壁間何康侯韻

太史高棲誰與論焚香對現泐王身常披短褐能忘貴
兀坐匡床肯說貧玉署才名盧一擲蕭齋生計酒三巡
庭前石色苔花碧不厭過從是比隣

吳臨川寄予懷歸之作尋擢計部用原韻奉酬

仙令蕭然四壁寒只今方著侍臣冠政成百里春猶在
書到千峰雪又殘勾漏玄情應有託維摩垂手不辭難

美君計日朝天去莫問磯頭舊釣竿
游浮渡山
靈境噴岬路不賒峭青危碧巧相遮雲封圓嶠今何世
浪隱方壺到是家丘壑采真惟皂帽盤餐清供只胡麻
紫簫吹得松篁冥閒聽崑僧轉法華

對雨

蓬窓面嶺開嶺下雨聲急山人捲箔看一片白雲入

問余堂

問余何太閒烟霞共往還山中少機事古樹當柴關

贈繡頭尊者二首

本地風光徧十方不知何處是家鄉少陵隻履還攜去

脚下泥深路渺茫

尊者西來有意無徧將法雨潤焦枯如今別我何曾別
夜夜迦毘月影孤

滁陽春遊曲六首

渲染新粧蟬鬢輕香閨愁聽賣花聲密招女伴尋春色
綵袖翩翩結隊行

千山嫩草可憐春一陣香塵撲麗人自是妖紅故呈艷
非緣狂蝶浪相親

戲拋文石擊龍潭祇辦名香禮佛龕共羨野桃能結子
誰憐芳草有宜男

馬蹄無處避華筵綠戰紅酣二月天幽谷閒花都采盡

只餘桑柘尚含烟
錦幃圍春鬧紫霞山頭醉處即為家
雕欄國色空零落
翻愛郊原解語花
黑霧粘天細雨飛
嬌娃戀景不思歸
恣遊肯惜羅襦濕
只謂山深翠浥衣

午睡

駛雨打窗人獨眠
小童閒捉瓦爐烟
曹騰睡思濃於酒
一卷南華落枕邊

青螺洞漁父詞四首

青螺洞口是儂家
古木陰陰繫釣槎
自笑漁郎能免俗
四圍烟水浸蘆花

獨宿磯頭夢亦清
波心世界轉寬平
道人近覺交遊少

新訂秋江鷗鷺盟

曬網歸來樂有餘
蓬窓展讀數行書
舟中清福難消受
敢望君王賜後車

金藤浦口鎖烟巒
縱橫歸來水氣寒
不是漁郎貪利涉

恐人溪上暗投竿

方學聰

字仲達號聽松萬曆間歲貢兩任學博陞廣東會同知縣清惠有聲初無子以兄子大鵬

為後宰會同年六十二矣捐俸修攀龍橋成而子生因名攀龍迨歸囊無長物游泳詩酒于郡邑絕不以居間請崇禎末攀龍與二子相繼死厓一女為市僧畧賣鄉袁家族子子留率家人釀金贖之擇嫁士人公詩集無存者齊子秋浦憶少所記誦口授數首亦見一班矣

秋興和少陵韻

自古英雄尚戰功，千年城闕野烟中。殺函依舊秦時月，豐沛猶傳漢代風。陌上纔看芳草綠，洲前又道蓼花紅。人生易得頭如雪，且倒清尊作醉翁。

浙瀝松聲撼萬林，普天商意正森森。寒雲出浦縈朝露，疎雨乘風結暮陰。酌酒盡談今日事，斷金那見古人心。最憐寂寞西江冷，卧聽隣家幾處砧。

燕子

雙雙飛上畫梁棲，哺得新雛羽翼齊。日暖翻從郊外舞，不知誰為壘巢泥。

方學記

字默卿，號松餘，主簿。松塢公長子，師事黃山先生。先生極稱之。主簿公官武陵，趨庭松署。與楚人士酬唱，楚人目為佳公子。歸里居，負郭以家，秉授其子娛情詩，澗間所著述甚富，惜佚于兵。

熨鮮有存者

次家君韵挽黃山先生

思義平生孰與同，哀情聊寄輓歌中。非干弟子為私慟，自是斯文泣至公。執紼祇緣江路遠，瞻雲轉覺海天空。誰云此別成今古，見說郎君有父風。

方大美

字黃中，號冲含，萬曆丙戌進士，授常德府推官。擢御史，巡按江西，轉河南，造士釐奸。後先一轍，陞太僕寺少卿，以奉諱歸家而卒。公孝友，嫻睦，惠逮里閭，嘗捐祿入為小宗，建祠堂，置義田，宗人賴之。其曾孫雲旅，掾得遺詩三首，要之公，固不必以詩傳也。

秋日同蔡憲長蘇憲副二使君登伏羲八卦臺

羲皇御世總承乾，八卦層臺畫宛然。遙想虹蜺流渚日，爭知龍馬負圖年。象涵太極原無極，數定先天起後天。

始爲百王開道統揚雄謾草太玄篇

題白雲寺二首

遙看寺插白雲邊風穴松門敞法筵
不住鐘聲鳴萬壑
倏然香氣繞諸天山圍鴈塔浮金界
水湧龍宮噴玉泉
顧我褰帷嵩汝地何當重問慧公禪
林幽風掃翠嵐亭簾是珍珠錦是屏
僧去池邊看洗鉢
鹿來堦下聽談經
瀟瀟佛舍雲垂白
漠漠君山雨漾青
向晚諸天烟霧裏
闍黎稱有少微星

龍眠風雅卷八目錄

木犀潘 江蜀藻輯

太倉張爲光觀文 祭

同里王天壁暄文

吳應賓 首一百二十三
吳氏令則 六首

龍眠風雅卷八

木匠潘萬江蜀藻輯

吳應賓

字尚之又字客卿號觀我萬曆丙戌進士方伯公一介第四子幼早惠弱冠魁南宮入史

局俄嬰日疾告歸著書講學深于性命之旨凡書有未讀者俾人旁誦公傾耳聽之遇逸句謫字輒云其句有逸宜若何某字宜作某聲讀按之果然為文數萬言宿曾臆間口授子弟錄之字從古從今辯析不苟天啟初以理學召起病不克赴加左春坊右諭德兼翰林院侍讀著有宗一聖論性善二書學庸釋論悟真篇註方外遊南餘草學易齋集尤精二氏學凡海內禪宗往復辯難無不推觀我居士為法門龍象焉公學貫天人理綜儒釋詩特其駢枝也年七十無疾終門人姚康輩謚宗一先生

宗一先生

感興

雨氣澹將夕疎竹明殘霞流芳惜餘姿宛轉歸泥沙幻

化一以遷歡樂爲吁嗟根株旣不定無乃空中華渺然
念獨徃浩蕩隨無涯

送何康侯太史入春明

江山閔靈區高門何鬱葱中有三鳳毛雙飛起雄風康
侯綽約姿秋水明芙蓉出入金門下吐氣如長虹筆陣
破萬卷咄嗟辨雕龍豈無效步人不如邯鄲工休沐戀
子舍家食何從容念我久索居淹留話墻東冥契極立
賞百慮銷朋從初服洵可樂無乃金臺空長歌續壯遊
玉署清且崇丘索傲左史含章牖天聰前席問蒼生片
言如發蒙膏澤下八極蹇蹇盟初終萬里自此遠把袂
心忡忡贈爾秋蘭佩出處將無同蟋蟀鳴清商兼葭應

黃鍾願言頌明德一慰潛夫忠江湖與廊廟未始出吾
宗何必慕攀附寂寞愁交窮

朱邑

金穴多驕癡俛仰歸他人螭首爲山梁芻狗當誰陳嗇
夫老悖翁易簣勞桐民伏臘二千年了不知雲仍

魯肅

昔人重素交紛紛棄如土指廩卽分金高誼驅今古旣
興伏龍雲還出鳳雛羽揚益脣齒邦將無固吾圉

陶侃

晨興多苦辛夜寢非宴息利刀以割泥彈指鋒鉞失江
亭運甓心中原鬼猶泣志士憂朝聞分陰憐白日

李公麟

居士龍眠圖丹青妙天下盡道畫如真不知真亦畫有時寂住峰側耳浮山話誰云履半穿天遊卧清暇

葵心歌

杲杲秋陽出盈盈葵花鮮朝東暮復西心與秋日懸千門桃李何足數向日丹心應自許當堦不解妬芳華窮簷未敢辭風雨太陽亦何私葵心亦何期古來烈士皆如此灼灼繁華亦徒爾男兒抱懷凌丹霄忍認君恩作流水

金人捧劍篇

霸王行春曲江水雲物尊壘間羅綺羽觴迭飛羣臣醉歌呼四座雄風起此時秦王氣正驕旌麾耀日鳴寶刀刀頭閃爍白虹吐羨陂颯颯生波濤雷轟電掣白日晦劍光一片西方氣西方金宿來金人捧出青蛇色勝銀幾點寒星初射斗五山精氣共排雲雲間紫映芙蓉赭希代神兵憶歐冶何年夜半去東吳此日令君制西夏炎精焯燿烈焰紅風雨不救咸陽宮千年此物竟何許無乃化作延津龍安得佩之倚天外橫行沙漠王庭宮

題張洪陽先生閒雲館四首

賦就張平子飄然獨草亭回環一水綠高下萬山青避世曾金馬焚香對石屏祇疑雲霧窟長護太玄經居士歸來後空齋晝不喧門前自烟水身外信乾坤月

音耶屋牙卷八
色寒江樹山光下野村憑欄何限意擬欲向誰言
高歌流水急長嘯遠雲開山到匡廬盡茶從雲霧來禪
心餘古榻秋興獨登臺塵世居然遠那知是草萊
東山謝公屐今復上西山夜雨驚寥寂春雲獨往還功
名雙鬢在身世一鷗閒願聽無生偈蚤然解佩環

月下偶成

夜色靜寒輝空齋敞白扉亂雲當月散獨鳥背人飛詩
思餘尊酒歸心攬客衣殊方對妻子蕭索倍相依

書懷

素餐消未得何以塞明時軒冕真非志烟霞自有期歸
心獨夜苦生計四隣知歲月風塵裏羞將短鬢絲

題白燕二首

畫棟巢偏煖冰肌色自分名從玄鳥得身是白鷗羣映
水爲雙玉飛空作片雲梨花深院裏盡日語還聞
不改瑤光色來棲玳瑁梁春疑霜信早衣惹雪花香應
喜巢珠樹偏宜覆玉筐丹青何所有空色欲相忘

月夜同諸子登金山絕頂因乘夜浮舟北渡四首

吾心澹若水况復俯龍宮倒影疑天上飛雲是鏡中月
明銀地合潮落海門通身世俱無著鴻濛不可窮
月色映江流孤峰水上浮龍門開寶地蜃氣出飛樓心
與雲千里山如海一漚人間元出世何處不瀛洲
浮玉何年至黃金紀勝隅月當天塹迴山借海潮扶四

音耶屋牙卷八
座江聲遶中流塔影孤歸檣仍酌酒風浪起天吳
明月引歸舟天空夜色收山將青地斷江入白雲流水
國魚龍冷仙家島嶼浮孤帆疑塔影何事上揚州

宿白雲巖二首

梵界晚氤氳藤蘿夕照分洞中身是水天上汰爲雲谷
氣虛相引林聲夜獨聞名山何用買信宿且離羣
地古千年寺山溪萬木秋空堂來蟋蟀高樹挂獼猴不
定雲霞色無聲澗壑流昔人遊不到或恐是丹丘

觀珍珠泉二首

畫舫齋中客明珠擬向誰近花分玉蕊無樹著瓊枝弄
影和雲散飛空伴雨遲人歸明月夜懷袖總堪疑

登臨銷客思清籟坐中流驚起鮫人泣還疑神女遊水
花雲影宿浦月夜光投但借龍宮卧無勞罔象求

寄楊惟彥黃明起全幼度館丈二首

病眼何須白逢君尚可青那無千里駕分食五侯鯖雨
別空愁日風流想聚星不知叢桂曲定許阿誰聽
三徑自吾廬君門萬里餘補天知有筆出谷嘆無車酒
入蓮花社山藏梵宇書思霑北溟浪珍重一雙魚

板子磯

寶閣臨長鏡龍宮幻碧岑千波搖黛色四壁起潮音水
月無生句風帆不動心偶然遺浪跡長伴紫烟深

贈太虛上人

音耶屋牙卷八
覺路非塵世相期宿化城已知身不住聊試藥長生雷
雨歸雙劍山川共一鐫祇應飛錫去早晚向蓬瀛

將至來鳳嶺道上口占
偶然乘興出還爲看山來竹外孤村轉林中一逕開飛
流驚雪浪驅石起雲堆莫怪逃名者尋幽去不回

題石立立卷

焚香翠微裏遙對玉宸君月印琅函色雲生寶軸文落
花山寺靜燈火夜鐘聞方外憐真隱幽棲不可羣

春日過體中城南素業登山子八首

不淺登臨興能尋丘壑盟買山將入社呼石與安名竇
引溪深入雲扶恰恰行清言誰舉似花下一聲鶯

布置關飛動參差出畫圖亂將春點綴一任鳥歌呼水
月移來有烟巒變處無未應勞象罔寂寞認立珠
顛倒陰陽得依稀造化同山藏銀海裏人在玉壺中掩
映樓臺雨翩翩簾幙風點頭如有意誰定是生公
自愛小山隱何妨碣石殘遠峰兼霧起空翠帶花看半
吐龍光紫微生蜃界寒主人含秀色指點勸加餐
含漱風濤細枝撐月練斜磴危還曲折林密亂交加素
業知三徑青春共一家尋常行坐處無地著天花
人澹得春偏床頭島嶼懸怒風看鷺下鞭石起龍眠乘
興翻疑夢安心半入禪還將陶令菊開作遠公蓮
豈是山中意將非物外情一丘賒月色萬卉攪風聲水

以迴環出峰因斷續成靜觀誰得似或恐是浮生
正使人人遠孤峰晏坐時放教花上石分得月來池夢
蝶飛難定蠻蝸鬪不知會心無一事長嘯更題詩
題齊重客小山白社卷二首
作賦能招隱逃禪舊卜居露葵留客饌叢桂襲人裾散
帙清言外看山爽氣餘蓮花開合想莫問夜何如
人澹酒尊空端居憶遠公徑疑羊仲後林似虎溪東妙
偈頻開葉新詩欲滿筒看君歸白法瀟灑六時中

送李景魯給諫南還二首

還家且食武昌魚行李蕭然指敝廬報國尚餘三寸舌
拾遺真賴數行書從來市虎應難問見說披龍總不如
極目浮雲何限意看君吾欲解長裾
回首金臺事已非長安如夢欲何依新詩慎勿緣封事
初服何勞羨錦衣醉後白雲聊共語閒來黃鶴傍人飛
平生底事堪惆悵獨有丹心憶瑣闈

遊石門飛瀑亭

飛流千尺界蓬萊百折疑從碧漢來玉乳總添雲窟冷
水簾遙傍石門開抱琴已覺山皆響覓句俄成雨更催
夜半虛窓驚坐起寒聲知欲破蒼苔

登白嶽中和山

洞門深瑣翠微宮松下丹梯曲徑通玉几遙連雲色紫
瓊臺高映月明空鐘聲曉入千崖瀑爐氣晴吹萬壑風

前明屈鼎卷八
欲問玄宗何處是，霏微烟樹隱房櫳。

禮太素宮

赤城丹嶂與雲齊，羅立羣真翠不迷。共道嶽神司玉檢，曾經山鳥和香泥。爐峰自送旃檀滿，簾水全欺雨露低。聖代卽今崇漢時，小臣應得碧山棲。

坐白雲巖

金地虛無控夕陽，紫崖丹嶂白雲鄉。雨過薜荔諸峰淨，水澗芙蓉六葉香。談麈散花成錦繡，鉢龍吟樹起笙簧。會心偶爾成孤嘯，片片陰雲接混茫。

登文昌閣對五老峰作

白嶽峰名

步入瑤光翠幾重，露華香沁玉芙蓉。竝都不是羣仙宅，

白嶽今看五老峰。杖拂烟霞開薜荔，袖藏風雨出蛟龍。何年竊得長生藥，短髮還憐紫氣封。

水中雁字八

瀟湘秋淨綠如苔，寶墨雲箋次第開。顛處最宜波湧沒，妍時偏爲月徘徊。分明秦望碑重塌，檢點并州剪欲裁。正是鷓鴣啼半渡，欣逢胡塔寄書來。

讀齊重客越女行有感賦贈

恰恰鶯啼夢未殘，仙山一曲浣紗灘。而今醉竹成孤嘯，當日胡麻且共餐。風過雲扶花影亂，池平月照水心寒。空華滿日人中意，只在高唐賦裏看。

舉子贈內

無限悲歡對孟光憑君結束舊行藏蒸嘗酒熟常盈缶
盃浪書成欲滿床白眼詎能忘魏闕青蓮猶記繞空王
銜杯共聽呱呱泣日到窮途一線長
平旦照水心寒
九麗詩未盡
山一曲
詞
今
酒
竹
冰
冰
樓上美人
文
齊
南
風
知
韻
金屋高居露靚粧芙蓉如面映垂楊遙知倚檻窺人語
取次停鞭惱客腸衣上雲飛鸞似舞林梢風靜麝還香
封侯覓得須臾事不信春來夜夜長

橋上美人

鴈齒參差勢欲翔銷還幾度過紅粧半天高擁霓裳暮
一水橫開玉鏡長華表似邀環珮影凌波不散芰荷香

裴郎只愛神仙窟底事填河烏鵲忙

馬上美人

騾褱娉婷巧耐寒香塵踏處落梅殘春葱緊控黃金勒
夜合輕籠白玉鞍汗血乍翻眉月皺搔頭欲墜髻雲寬
躊躇更說豪華夢千騎濃粧曉日看

簾中美人

一曲清歌花下聞花枝人面隔氤氳偶將月態依稀露
細把風流想像分行處影翻雕玉佩坐來光映鬱金裙
如何萬點瀟湘淚灑向巫山一段雲

舟中美人

殿角叢中第一仙謫來還上若耶船紅蓮低共朱唇語

音賦卷八
翠荇斜將玉佩牽，倒影粧催明月早。中流歌並彩雲懸，
多情只把鴛鴦羨。肯信歡娛負少年。

鏡中美人

綽約清真失畫工，帶顰和笑印心同。爭看石色分羅綺，
忽訝珠光沁粉紅。弄影自憐渠是我，觀身誰悟色還空。
陽臺雨過長門月，總在雙鸞一照中。

燈下美人

洞房丹焰晃簾帷，正是巫山暮雨期。玉映乍疑螭吐火，
花羞不用蜃凝脂。清歌紅燭高烧夜，私語銀缸欲背時。
恨殺可憐宵太短，不教長照合歡枝。

月下美人

春風著意到天台，繞樹清平調幾迴。紅藥總堪行處贈，
緋桃爭向笑時開。似憐似妬流鶯語，飛去飛來夢蝶猜。
自是無心感榮落，儘教人面暗中催。

月下美人

晝短何須秉燭遊，瑤臺明玉夜光流。徘徊最是迎風戶，
掩映偏宜近水樓。鶴影蹁躑迴妙舞，蟾輝灑灑泛清謳。
當年靈藥君知否，滿目青天碧海秋。

喜方壻潛夫秋薦

萬里雄風兩腋生，祖龍金色動山城。花當月夜開時折，
人向雲車簇處行。柱下又看麟一角，樓中真喜鳳雙鳴。
欲知年少登科好，只在忠良答聖明。

壽開府體中姪六十

碧油幢下紫烟筇拂袖仍呼老仲容
貔虎散來還載鶴
鯨鯢靜後更降龍
千年王氣歸皇覽
萬壑雄風和唱恭
却憶知非應自笑
相期合在妙高峰

從子道新三十初度爲詩期之

一別承明四十年
十年猶在仲容前
公車意氣頻看劍
露布才名好著鞭
下里曲誰賡白雪
驚人詩合問青天
今逢肇錫嘉名日
叢菊開成筆上蓮

九日書懷

風雨城頭送酒頻
重陽六十五回人
籬邊看菊圓通耳
薊北登高夢覺身
冷淡長心諳白社
遮藏短髮謝烏巾

平生別有悲秋興
一任茱萸滿路新

浮山二首

驚濤漩洑湧爲岑
閣道氤氳海藏深
東嶺磬聲西嶺出
上方香氣下方尋
山雲水石年年話
壇月松風夜夜心
三十六巖何處是
空餘殘局待知音

山詩有月在碧
天風在松之句

古亭禪師有山雲
水石集純陽登浮

雲峰隱約千年寺
蘭若蕭條六代名
挂錫有龕禪窟冷
布金無地寶堦平
碧桃翠竹閒清晝
虎穴龍湫鎖化城
水月道場聲色裏
誰能端坐學無生

別浮山

陟巘迴車日已曛
塵踪羞說北山文
因尋洞壑留清夢

爲惜峰巒怨白雲
檻外石龍眠自穩
崑中仙漏夜誰聞
何年白却看人眼
閒對青松野鶴羣

別九華山

踏碎蓮華路不迷
出門長嘯楚天低
青山送客忘三笑
綠樹隨人過五溪
洞裏烟霞晴自散
雲邊鐘鼓鳥空啼
殷勤更上層臺望
怪得羣峰似掌齊

碧雲寺同諸子水亭流觴作

巖下荆扉夾路開
中天翠色滿樓臺
人從竹徑穿雲竇
水遶林亭送客杯
乘興未應彭澤去
前身莫自永和來
新詩更與山林約
好爲烟霞長綠苔

喜胡伯玉登第

曾向長安賦壯遊
宮袍新著舊風流
天從閭闔開金馬
客自雲霄控紫騮
雷雨已知龍是劍
文章應似蜃爲樓
何年玉樹重攜手
記得花磚日影秋

贈勿銘弟北上

共道延陵有士龍
心華開作玉芙蓉
莫將雁字憐秋葉
早趁鵷班聽曉鐘
東漢郎官尊列宿
西京邦計重司農
頻年赤地蝗飛急
民瘼何方達九重

送馬見岷邑侯北上

拚却空囊贈一錢
憐君惟有舊青氊
鵬風自合南溟徙
龍氣遙知北斗懸
報國尚餘焚草日
懷人長似種花年
未央前殿驚飛鳥
共道王郎本是仙

壽廬江張慈人八十頌本

乞火曾驚步步蓮斑衣捧出女中仙青鸞戶外窺人下
丹鳳堦前傍母眠散髮自將雲作膩洗頭時滴露為泉
尊前莫怪麻姑戲領得春風八十年

戊申冬七日從家兄與甫移居西舍卽事

山城爽塏卜居新四壁蕭然未是貧尺地暫為家食伴
寸田常作耦耕人百年七鬣尋常事一往簪纓老大身
莫戀樊中能接翼早追鞭影出風塵

齊重客年滿五旬因賦以祝初度而余亦四十九

矣同心白首情見乎辭

晏坐無心乞大還虛舟原不繫人間獨憐醉竹能同調

何必仙桃解駐顏老太_上書休北闕朝來著屐為東山

莫言高卧無官政帖石開林未放閒重客以五月十三日生因榜其居曰

竹醉

壬子六月二十八日記事

欲向人間老鄧攸還憑遙集趨風流耳邊飽聽駒千里
身外真成海一漚清白先臣臨七鬣支離盲史祝箕裘
蘭芽桂實爭能料才到丁年百不憂

姚母王碩人五十

黻佩翩翩季孟間饒渠半百侍慈顏
盥耕未必常偕隱捧檄誰能久在山
一璧堪為明月伴六珈應逐彩雲還
何年漢殿廻青鳥須遣雙成報阿環

贈醫蔡濟川五十

五十年來鬢未霜每貪佛日宿僧房
門前橘杏千株秀室裏芝蘭一味香
斷酒更宜歸白社燒丹應爲伴青囊
娑婆五濁誰能療百草頭邊是藥王

輓何仲嘉方伯

琴鶴蕭然使者車床頭空積子雲書
遺清豈爲金難守比德原知玉不如
屈指女郎須賣犬傷心官舍尚懸魚
修羅掩却玻璃殿長夜漫漫恨有餘

望九華山

萬仞青冥混紫霄卜居應得傍漁樵
空中幻出仙人掌天上潛藏織女橋
鷺嶺亂翻蒼玉碎龍宮深駐白雲遙

化城已自非塵劫夜月禪心共寂寥

哭蕭提扶二首

壯士長歌俠客行當時白眼自縱橫
已知身合歸塵土何必書堪記姓名
作客半生裘已敝懷人雙泪劍孤鳴
殷勤爲作遼東鶴無奈招魂萬古情

誰云分手易前期遠道于今不可思
酒態已隨嵇叔盡交情獨許范卿知
十年江海論心地千里悲風入夢時
不用含悽題恨賦篋中猶有送君詩

從孫德常三月而再舉子詩以志喜

蘭湯頻浴弄璋雛服媚遙憐風骨殊
天上三回蟾吐玉人間兩度鳳銜珠
超超共許機雲輩咄咄爭傳孔釋徒

音耶風雅卷八
便與難兄成鼎足薛家園畔聽郎都

雪僧二首

不二門中色界迷驚看老衲自天西朝供乞食偏宜乳
夜對翻經不用藜舌相誰聞獅獨吼身形真可鶴同棲
寒山一句分明舉莫向寒山句後題

昨夜菩提樹有光齋頭片石坐清涼削成世外崎嶇骨
冷盡人間熱惱腸鉢鎮滿乘天際月袈裟不散曉來霜
亦生亦老君知否幻出空身作廣長

雪姬二首

冷豔空光一倍嬌夜深高燭未應燒搏將滿月開粧面
束就行雲作舞腰纖手不持青玉案芳魂多在白銀橋

瘦來莫把春風恨金屋嬋娟總寂寥

素娥青女兩疑猜竹下池邊絕點埃顏色肯教脂粉汗
風流不逐雨雲來輕盈玉樹含嬌立冷淡梅花帶笑開
一片冰心誰薦取滿天霜月浸樓臺

尋遠公談玄巖巖壁有中秋紀事詩

仙源盤谷轉孤峰八月濤聲萬樹松豎石自驚人去後
空山時見虎來蹤洞門面壁蒼苔合月窟臨關紫氣封
千載重逢是今日林間分得飯時鐘

遊仙詩二首

海天東去是瀛洲羽翰翩翩恣遠遊衣重五銖雲自煖
舟輕一葉水初秋丹臺日射黃金鼎玄圃風清白玉樓

前題
卷八
吹徹洞簫銀漢曉蔚藍花發五城頭
聚窟洲前海嶠危天台峰下石梁欹閒將玉枕三生夢
幻作柯亭一局棋寶月金華生碧漢蕊珠香霧滿瑤池
竭來不淺蓬壺興惟許山中鶴夢知

乾寧先生神室二首

谷口先生此息機丹丘石閣擁高扉山中玉粟和雲擣
月裏金苗帶雨肥客夢欲醒千日酒仙遊初試五銖衣
翩翩羽翰扶搖上會見龍光入紫微
石室玄宮倚沈瀟藤蘿松桂晚蕭蕭紫霞欲送丹爐暖
絳節紛歸玉洞遙雷雨滿天雙佩劍金銀橫海百花橋
神人昨夜傳消息緱氏峰頭坐聽簫

贈法侶

吹笙引入白雲鄉不及維摩日月長五欲鈎牽爲智種
六根清淨伴空王指揮濤嶽山頭鶴檢點成都市裏羊
憐我遽條有尊足爐邊分得禹餘糧

甲寅三月七日紀事

初度尋常事今朝五十年詔忘金馬待德愧木鷄全官
政南山謝君恩北闕懸沉冥從眼白寂寞爲珠玄僧供
山前粟人華社裏蓮吹塤風六息烹石月重圓鏡解呼
鸞舞琴堪挾鯉仙共將垂栢意拈作散花禪視足猶遺
土存心可事天鍾情遲暮恨惟有蓼莪篇

甲寅元日自壽

行藏性癖知應少老病心閒笑轉新
鵠履未能趨晚列
鷄符端已閱多人拋書直欲超三際
看曆俄驚到五旬
敢謂龍文歸舊史翻從鯉對憶先臣
家傳忠孝慚無述
道在希夷可具陳射斗尚沉豐
令劍彈冠虛佩魯儒紳
乾坤冷落同羈客丘壑畱連作放民
報國猶憐來日短
營生每較去年貧圓通耳觀旋諸漏
寂寞情根映六塵
火宅總消居士室化城重御汰
王輪掌擎妙喜言思斷
芥納須彌意句親本爲祗園呵住
相偶將姑射發初因
華池浴處肌如雪玉液烹時色勝銀
混沌後光忘守黑
窈冥中信乍懷春醞酬夜飲招金母
沆漑朝餐養谷神
去病渾疑逢扁緩遠遊聊復伴靈均
襟裾縹緲隨鸞鶴
島嶼參差長鳳麟寶月深籠優鉢蕊
春風偏拂毳摩巾
久諳西極瞻黃面還逐東方拜紫宸
二氣氤氳常聚鼎
一腔雷雨足亨屯洞前叱石占符晉
臺上吹簫曲似秦
數過崑崙青鳥狎頻添肥膩白牛馴
狂顛自覺嘲難解
出處終看德有隣十載烟霞周甲子
幾迴衾影謝庚申
浮漚世界俱成幻孟浪形骸莫認真
今是昨非滌玄覽
杏壇蓮社等空身

舍侄體中開府西川討逆瀘水蠻徼甫靖岷岫早

登遂感佛光彌勒泐護聊因雙鯉報贈七言既
賀成師且旌同好兼謝新詩問遺五十初度之
辱凡二十韵

翩翩康樂縮銅符慷慨王陽道上驅躍馬城容人緩帶
浣花溪映客投壺府中金矢供飛輓麾下旌旗擁殿徒
夢破三刀蠻塞淨身橫一劍戍樓孤戎行鎮定如充國
軍禮分明似亞夫罷虎氣驕能陷陣鯨鯢力竭總成俘
攻心豈必多擒縱得首聊堪罷轉輸刁斗夜閒千騎壘
邛筒春入萬家醕肯教壯士嗟行役還爲勞民請賜租
乘輿最宜探象窟佳兵莫遣到麟圖芬陀合在林閒社
香積頻開竹裏厨寶鏡影從銀海出聖燈光借玉岑鋪
臺空佛現應先覩樹老僧祥欲共趺餐食每聞新翼鏢
詩篇猶話舊恬愉高情數問青山隱真宰那窮白眼途
露布傳時忘折屐綈袍解處想懸弧蹉跎忍聽遼東鶴
蹇蹇難翔葉縣鳧遠餉一雙驚赤棗浮山半百冷茭蘆
翻緣微尚憐嵇叔忽憶同叅侍藐姑珍重渡瀘丞相栢
曾經鸞鳳宿來無

代內荅嫂

玉壺貯清水揚芬爛雲氣不及乘鸞人吹簫下天際

哀劉將軍二首

喪却飛將軍不知亦流涕那堪行路人更墮遼陽淚
載得巴猿去空聞蜀馬還遊魂擁旌旆猶自嘯天山

太白書堂懷古二首

溪林咽危響怪石互吞吐不知澗下泉疑是山中雨
澹日麗新霽虛閣流丹霞青山結朱樓復作青蓮花

音韻風雅卷八
咏紅梅二首

宮樹生寒簇暗香東風吹錦散昭陽應嫌寂寞非春事
先與桃花試曉粧
小苑離離錦樹斜偏宜白雪護香霞壽陽宮女多愁態
紅玉粧成五出花

胡伯玉水部納壻署中喜贈二首

天上雙瞻龍氣紫人間五點嶽華青須君暫領乘槎使
管領牽牛織女星

一雙秋水沁芙蓉試向藍橋問舊踪從此紅顏生羽翰
題詩多在丈人峰

戴微之覲外舅禮部成讀書甥館喜贈二首

桺絮吟成思有餘仙郎萬卷擁樓居已知臺上金無數
更道車中玉不如

愛酒耽書俠氣粗青錢三百爲君酤不知博浪沙中事
消得燈前一斗無

代內寄胡水部伯兄三首

家在城中甲第開連枝玉樹倚雲栽大兒文舉眉偏白
贏得絲綸闕下來

青雲萬里一身遙嫁得梁鴻遠市朝恰似豔陽花萼在
啼風笑日不同條

仙舟自合有雲翹不信弘農倍寂寥除却白郎詩思在
蜀茶還喚作瓊瑤

贈齊重客北上兼呈胡水部二首

俠骨飛揚作遠遊春明滿目仲宣樓莫教花鳥愁佳句
惹得秋霜暗上頭

君到金臺爲重客人傳水部是仙郎經過桃李空相憶
白雪從來避豔陽

閨怨二首

金博山爐沉水燧春盤纖手勸加餐細腰不得明珠賜
坐對空倉雀影寒

君覓封侯妾擣衣曾經折柳尚依依蛾眉不識燕臺路
莫擬千金換馬蹄

甲辰宮詞二首

歌塵纔散舞衣閒冷看春風幾度還流出上林多少葉
不曾題字到人間

一片朝華墮御溝深宮盡日迴添愁朱顏自是無根蒂
莫道君恩似水流

張含之水部數得麗人爲賦二首以美樛木

床頭肯把黃金惜鏡裏爭誇綠黛妍莫道仙郎渾見慣
一回春色一回憐

朶朶芙蓉避牡丹且移芍藥近朱欄嬌紅脆白無多力
莫遣春風送曉寒

送牧之侄試陪京二首

吾兄文戰八回秋劍氣千霄尚未收此去阿玄須努力

秦淮一曲大江流
射雉偏憐一矢工
石頭城下有雄風
琴尊水月鳥衣巷
多少樓臺六代中

宮詞六首

敢論顏色欲傾城
曾得君王記姓名
一卧長門憔悴盡
斷腸春夢不分明
萬方頻送天顏喜
五色祥烟動袞龍
爭得監官來引出
暫時隨例作昭容

懶勻螺黛拂花鈿
金屋高寒裊篆烟
贏得一雙團扇手
朝來合十對青蓮

似曾爲雨到陽臺
花外鶯聲却自猜
一種閒居諸女伴

幾人前殿按歌迴

曾窺王母殿東頭
擬逐飛瓊事遠遊
莫遣玉堦明月夜
無端常只對牽牛

試把離騷讀幾行
有時顛倒舊衣裳
妾心自愛秋蘭佩
何必君王賜國香

附 吳氏令則

宮論宗一公之長女方伯虛白公之冢婦諸生何應璦之妻也應璦少負文名

與左侍御倪宮論江峨眉璩武寧結怡園會氏博通經史少從宗一公學詩聲調婉麗尤能相夫佐讀艱于嗣爲廣畜媵侍著環珠室集以見志晚年卒無子手摩尼珠而逝宗黨哀之

再寄玉之

君去門蕭瑟草徑少人行
躅足差萱信徘徊
夢不成鳥倦思依依
蝶舞正營營
迢迢超一載
悶積何曾改
東風

寧帶愁盈盈落滄海常憶送別時含淚復含悽安能生
羽翼飛去與君齊雁逢春北向燕來尋故棲遊興若飄
颻焉速還故鄉逆水蕩孤舟順風久非長羅袖斑痕跡
君聞能慘傷白晝懶妝束花鈿沉空箱

晝倦

日高鳥亂小窓前風煖花明四月天晴踏香堦紅砌地
倦扶竹几碧生烟堪憐殘鳩春啼血漸看新荷夏疊錢
且撇米鹽隨筆墨好吟詩句二三篇

返照

值玉之初歸日

日暮寒塘落水濺殘雲歸岫露新絃蓼花入夜偏能好
楓葉先秋卽自憐清澗倒垂天際影夕陽斜墜月邊泉

那堪千里重攜手回首烟波思惘然

掌珠吟

有序

子之挽鹿車于夫子也廿餘年矣長庚之夢杳
然克閭之慶難再雖荆釵裙布日操作而前然
未託掌珠維憂用老今夫子鑒予淑忱屬爾新
占服媚有懷躍躍情見乎辭

七鬯頻占寤寐思鵲巢端可博螽斯宵征月映芝蘭秀
夜告心將管蒯知夢裏石麟應有種懷中玉燕自多奇
桂花宮錦歸來日好爲寧馨問屢屢

春日病起

閉門春色曉悠悠綠柳紅梅不解愁何事離人經眼去

一回攀折便成秋

林林富饒說來甘被為寧攀問風風
齊諸山深首臨眼裏裏不翻翻存翻翻中王燕自多奇

由巡散在財銀銀前良午給

未結草凝絲憂眼笑今夫午

然及國之變職再繼陳地皆亦

千文游流車午夫千出廿給

學海學

眼掛千里重謝年回首風吹思歸然

